



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

25.842

~~Մ. Ա. Վ. 1. 290~~

Ա. Ա. 1494

№ 23

Գ ր ա ղ ա ր ա ն Յ Ե ա ռ ա զ ը - ի

№ 23

Ա. ՆԻԿՈԼԱՆԻ

ԿՕՕՊԵՐԱՑԻԱ

Քարգմ. ուսու. Յ. Ք.

Գ. Բ. Ն. Ն. Է. 15 Կ.

ՔԻՖԼԻՉ

1906

334
2-70

Արմ.

3-27192

05 JAN 2010

№ 23

Գրադարանի «Յանուար»-ի

№ 23

334

Կ-70

3-27192

304

Ա. ՆԻԿՈԼԱՆԻ.

ԿՕՕՊԵՐԱՑԻԱ

Քարգմ. ուսու. Յ. Ք.

ԿՈՅ. № 21860

ՔԻՅԼԻՁ

1906

11.07.2013

25.842

Թ Ի Ֆ Լ Ի Ջ

Նիկեոսաբարե Տայրան «ՀԵՐՄԵՍ» ԸՆԿ. Մազաթեան փողոց. № 5



39505-63

ՓՈԽԱԳԱՐՁ ՕԳՆՈՒԹԻՒՆ

I

Երկար ժանանակ մարդիկ չէին էլ ենթադրում, թէ որքան մեծ նշանակություն ունի փոխադարձ օգնությունը կենդանիների աշխարհում: Թւում էր, թէ կենդանիները մշտական ու անընդհատ կռիւ են մղում իրար դէմ, և թէ այդ կռիւը անազորոյն ու անողոք է: Նոյն իսկ աւելին. շատ գիտնականներ պնդում էին, որ հէնց այդ կռիւի, այդ փոխադարձ ոչնչացման շնորհիւ է, որ մեր աշխարհը կատարելագործւում է. թոյլերը ոչնչանում են, իսկ ուժեղները ապրում են ու առաջ բերում աւելի ամրակազմ, աւելի կենսունակ երիտասարդ սերունդ:

Սակայն բոլոր այդ հայեացքները սխալ դուրս եկան, հէնց որ գիտութեան մարդիկ աւելի մօտիկ և աւելի հիմնաւոր կերպով ծանօթացան կենդանիների կեանքի հետ: Արդարև. կենդանիների մէջ յամառ և եռանդուն կռիւ է մղւում: Իզուր չէ, որ կենդանիների աշխարհում մենք տեսնում են յարձակման ու պաշտպանութեան բազմազան գործիքների այնպիսի առատութիւն, ինչպէս են՝ անագին ժանիքները, սուր ձիւրանները, ամուր կտուցները, թունաւոր ատամները, կարծր-զրահները և այլն, և այլն: Բայց միայն կռիւը չէ, որ գոյութիւն ունի... Նման տեսակի կենդանիների մէջ կռիւը, ընդհակառակը, պատահում է համեմատաբար սակաւ. դրանց մէջ գերիշխում է փոխադարձ օգնութիւնը, փոխադարձ պաշտպանութիւնը, զանա-

զան գործեր միահամուռ ոյժերով տանելը, կամ ուրիշ խօսքով՝ աշխատակցու քիւնը, իսկ գործածելով օտար բառ՝ կօօպերացիան:

Վերջինք մի քանի օրինակ:

Երբ խօսք է գալիս փոխադարձ օգնութեան մասին կենդանիների աշխարհում, անշուշտ, չէ կարելի չը յիշել մըջիւններին: Եւ յիբաւի. բնութիւնը կարծես, գիտմամբ է թողել նրանց անպաշտպան, գիտմամբ է նրանց թշնամիներէ յարձակումների համար նկատելի դարձրել: Այսպէս, նրանց մարմնի գոյնը այնքան նկատելի է, որ ակամայ աչքի է ընկնում. նրանց մարմինը կարծր գրանով չէ պաշտպանւած. նրանց ձուկիկներին ու թրթուրներին սիրահար են բազմաթիւ անասուններ ու թռչուններ, որոնք բնակւում են անտառներում ու մարգերում: Իւրաքանչիւր մըջիւն մի թոյլ էակ է, որ շունի նոյն իսկ գօրեղ թոյն կամ վատանդաւոր խայթոց, նրանց բարձր շինութիւնները անմիջապէս աչքի են ընկնում ամեն տեղ. որտեղ որ կառուցւում են: Այդպիսի պայմաններում, թւում է, որ միայն ծոյլը չի նեղացնիլ նրանց և, իսկապէս, մըջիւնների ամբողջ ցեղը վաղուց արդէն դատապարտւած կը լինէր կատարեալ բնաջնջման, եթէ կենդանիների մէջ իշխէր միայն կռիւր: Մինչդեռ, իրապէս, բոլորովին հակառակն է տեղի ունենում: Նրանցից ամեն տեղ երկիրդ են կրում ու խուսափում են նոյնիսկ, այնպիսի միջատներ որոնք օժտւած են անհամեմատ աւելի մեծ ոյժով:

Երբ Ֆօրէլը — բնութեան ամենատականաւոր ուսումասիրողներից մէկը — թափեց մի քսակ մըջիւններ մարգագետնի վրայ, նկատեց, ինչպէս ճպուռները վազ է վազ ընկան այս ու այն կողմ, թողնելով մըջիւններին թալանելու իրանց բները. ձգրիզները ցրեցին գանազան ուղղութիւններով, իսկ սարդերն ու բզեզները դէն ձգեցին իրանց սւարը, որպէս զի իրանք մըջիւնների աւա-

բը չը դառնան». սրանք նոյն իսկ կրեաների բները խլեցին կուով, որի ժամանակ շատերը գունեցին համայնքի բարօրութեան համար: Մըջիւններից չը կարողացան ազատել նոյն իսկ աւելի արագաշարժ միջատները: Ֆօրէլը յաճախ տեսել է, ինչպէս մըջիւնները բռնում ու խեղդում էին թիթեռներիս, մոծակներիս, ճանճերին և այլն:

Բայց ինչո՞ւն է այդ իսկապէս անգօր ու անպաշտպան էակների ոյժը: Բացառապէս և միմիայն նրանց բնգունակութեան մէջ՝ պաշտպանելու միմեանց, օգնելու իրար, գործը միահամուռ ոյժերով վարելու, մի խօքով աշխատակցութեան, կօօպերացիայի ընդունակութեան մէջ...

Կօպերացիայի ընդունակութիւնն է, որ դարձրել է մըջիւններին ոչ միայն ուժեղ ու վտանգաւոր, այլ և հնարաւորութիւն է տւել նրանց հասնելու իրանց կեանքի մէջ ամենամեծ բարեկեցութեան: Նրանք գիտեն ընդհանուր ոյժերով կառուցանել վիթխարի շինութիւններ, որոնք ապշեցնում են ամեն մէկին, ով դիտել է նրանց դանլիճները, նորանցքները, ամբարանոցները, նկուղիները. նրանք անց են կացնում խճուղիներ ու ծածկած գալերէյներ, հնձում են իրանց հերկած ու ցանած արտերը, կերակրում են իրանց կովերի՝ խոտի ափիաների ամբողջ ճօտերը: *) Բայց դա էլ դեռ քիչ է: Աշխատակցութեան, կօօպերացիայի այդ ընդունակութիւնը, այդ անդրդուլի հակումը՝ լինել միշտ միասին և ամեն ինչ միահամուռ ոյժերով անել՝ զարգացրել են մըջիւնների մտաւոր ընդու-

*) Այստեղ խօսքը վերաբերում է գլխաւորապէս հարաւային մըջիւնների բազմաթիւ տեսակներին: Բոլոր այս տեղեկութիւնները ստուգւած են ամենամանրակրկիտ կերպով բազմաթիւ ակաւաւոր գիտնականների կողմից:

նակութիւնները. այդ փոքրիկ էակները զարմանք են պատճառում դիտողին իրանց հմուտութեամբ՝ խելացի կերպով կատարել ամեն մի նոր գործ, ճարպիկութեամբ դուրս պրծնել իւրաքանչիւր յանկարծակի վրայ հասած դժւարութիւնից: Մըջիւնի ուղեղը—հոշակաւոր գիտնական Դարվինի ասելով—աշխարհիս ամենանշանաւոր հրաշալիքներից մէկն է, թերևս, աւելի սշանաւոր հրաշալիք, քան մարդու ուղեղը...

Եւ այս ամենը առաջացել է, գլխաւորապէս, շնորհիւ փոխադարձ օգնութեան, աշխատակցութեան, կօօպերացիայի, որ խիստ զարգացած է մըջիւնների կեանքի մէջ:

Բայց մենք արգէն ասացինք, որ կօօպերացիան գոյութիւն ունի ամենուրեք կենդանիների աշխարհում և ոչ միայն մըջիւնների մէջ: Կան կենդանիներ, որոնք հօտեր են կազմում, որպէս զի ապահովեն իրանց որսի յաջողութիւնը. մի ուրիշները ապրում են ահագին խմբերով, որպէս զի կարողանան յաղթական կռիւ մղել ուժեղ ու դաժան գիշատիչների դէմ. կան այնպիսի կենդանիներ էլ, որոնք միասին են սնուցանում ու դաստիարակում իրանց ձագերին, կամ կազմում են ահագին խմբեր հեռաւոր ճանապարհորդութիւններ կատարելու համար. վերջապէս, կան թռչուններ, որոնք, անցնելով տասնեակ ու նոյն իսկ հարիւրաւոր վերստեր, ժողովում են մի տեղում, որպէս զի օրական գոնէ մի քանի ժամ անցկացնեն իրանց նմանների հասարակութեան շրջանում: Մենք կարող էինք այստեղ թւել ամենամանրակրկիտ կերպով ստուգւած բազմաթիւ օրինակներ, սակայն դրա համար բաւականաչափ տեղ չունենք. մենք միայն կը կրկնենք ժամանակակից հոշակաւոր գիտնականներից մէկի խօսքերը՝ որ փոխադարձ օգնութիւնը, աշխատակցութիւնը, կօօպերացիան հանդիսանում են մի անհրաժեշտ պայման իւրաքանչիւր կենդանի ու մտածող էակի կեանքի համար, և

առանց դրան կենդանիների կեանքը երբէք չէր հասնիլ այն բազմատեսակութեան, այն զօրութեան, այն բարգաւաճման, որին նա այժմ հասել է:

II

Բայց եթէ կենդանիները իրանց համեմատաբար պարզ կեանքի մէջ ստիպւած են դիմելու փոխադարձ օգնութեան ու կօօպերացիայի, մարդիկ, ի հարկէ, բոլորովին անկարող կը լինէին ապրել, եթէ մշտապէս չօգնէին իրար, չը մտնէին փոխադարձ գործակցութեան մէջ, չը դիմէին կօօպերացիայի: Չէ որ մարդ անկարող է կենդանիների նման արագ վազել, չունի ուժեղ ժանիքներ, սուր ճիրաններ և ոչ էլ այնչափ մեծ Ֆիզիքական ոյժ, որչափ միւս կենդանիները, որոնք հասակով մարդու չափ են: Իսկ չէ որ կար ժամանակ, երբ մարդն ապրում էր որջերում, հազնում էր զազանների մորթեր, չունէր ոչ հրացան, ոչ դանակ, ոչ էլ առհասարակ մի որևէ գէնք, որով այժմ նա այնքան դիւրին կերպով յաղթահարում է ամենատոկալի զազաններին: Այն ժամանակ մարդը կանգնած էր դէմ առ դէմ կենդանիների աշխարհին և հեշտութեամբ կոչնչանար, եթէ հրաժարէր փոխադարձ օգնութիւնից, աշխատակցութիւնից:

Եւ յիրաւի. գիտութիւնը կարողացաւ ցոյց տալ, որ նոյն իսկ հինաւուրց ժամանակներում մարդը մենակ չէ ապրել, այլ հասարակութեան մէջ: Իսկ չէ որ ոչ մի հասարակական կեանք հնարաւոր չէ առանց փոխադարձ օգնութեան, առանց աշխատակցութեան: Հէնց այն ցեղերի օրինակից, որոնք մինչև այսօր էլ մնացել են վայրենի, կարելի է համոզել, որ ամենաթշուառ վայրենիների մօտ անգամ մենք հանդիպում ենք փոխադարձ օգնութեան, կօօպերացիայի: Վերցնենք մի քանի օրինակ:

Ամենաողորմելի վայրենի ցեղերից մէկը համարուում են բուշմէնները: Բայց ահա թէ ինչ են պատմում նրանց մասին բարեխիղճ ու կրթւած ճանապարհորդները: Բուշմէնները որսի են գնում միշտ միասին, և որսը բաժանում են իրանց մէջ առանց գտութիւնների. նրանք երբէք առանց հողատարութեան չեն թողնում իրանց վիրաւորներին և արտայայտում են ջերմ կապ դէպի իրանց ցեղակիցները: Ճանապարհորդ Լիխտենշտայնը տեսել է, ինչպէս բուշմէնները ազատում էին իրանց խեղդուող ընկերոջը: Մեծ դժւարութեամբ հասցնելով նրան օտար, բուշմէնները հանեցին իրանց վրայից գազանների մորթերը և ծածկեցին նրա մարմինը, թէև իրանք միևնոյն ժամանակ ցրտից զոգում էին. սպա սկսեցին մարմինը շփել ու տաքացնել կրակի առաջ, մինչև որ ուշքի բերին:

Նոյն կերպով են նկարագրում և հօտտենթօտների կեանքը: Սրանք ևս կանգնած են զարգացման ամենաստորին աստիճանի վրայ: Յայտնի գիտնական Լեօբբօկը նկարագրում է նրանց իբրև «ամենակեղտոտ անասունների», և նրանք, իսկապէս, շատ կեղտոտ են: Անասունների մորթը, որ կախ է ընկած նրանց վզից և որը կրում են այնքան ժամանակ, մինչև որ ցնցոտի է դառնում, կազմում է նրանց միակ հագուստը: Նրանց խճիթները շինւած են մի քանի ձողերից, ծածկւած խփրով և գուրկ որևէ կահկարասիքից: Հօտտենթօտները թէև ունեն ընտանի կենդանիներ՝ եզներ ու ոչխարներ, և ծանօթ էին երկաթի գործածութեան հետ դեռ եւրօպացիների գալուց առաջ, այնուամենայնիւ կանգնած են զարգացման ամենաստորին աստիճանի վրայ: Չընայած դրան, ով հօտտենթօտների հետ շփւել է, գովել է նրանց համայնասէր բնաւորութիւնը, նրանց պատրաստականութիւնը օգնել միմեանց: Տէքը հօտտենթօտին մի բան, և նա անմիջապէս կը բաժանի այդ բոլոր ներկայ եղողների մէջ... Բայց այս սովո-

րութիւնը նկատուում է ոչ միայն հօտտենթօտների այլ համարեա բոլոր վայրենի ցեղերի մէջ...

Նոյնանման վկայութիւններ, որ փոխադարձ օգնութիւնն ու աշխատակցութիւնը գոյութիւն ունեն ամենավայրենի մարդկանց մէջ, կարելի էր առաջ բերել կրկին մեծ թւով: Բոլոր այդ վկայութիւնները ցոյց են տալիս, որ մարդիկ միշտ աշակցել են միմեանց, որ նրանք բազմազան գործեր միշտ կատարել են ընդհանուր ոյժերով, այսինքն, ուրիշ խօսքով, միշտ դիմել են աշխատակցութեան, կօօպերացիայի:

Այսպէս է եղել միշտ. այսպէս է և այժմ: Իւրաքանչիւր ոք, որ ծանօթ է հասարակութեան չքաւոր խաւերի կենցաղին, գիտէ թէ որչափ բազմատեսակ ծառայութիւններ են մշտապէս մատուցանում միմեանց չքաւորները: Ահա, օրինակի համար, ինչ է գրում մի կին—բժիշկ քաղաքի աղքատ թաղերում ապրող մայրերի մասին: «Դուք չէք կարող երևակայել, թէ ինչքան շատ են նրանք իրար օգնում: Եթէ մի կին ոչինչ չէ պատրաստել կամ չէ կարողանում մի բան պատրաստել իր նորածին երեխայի համար—իսկ այդ որքան յաճախ է պատահում—հարևաններից իւրաքանչիւրը մի բան է բերում նորածնի համար: Բացի այդ, հարևան կանանցից մէկը խնամում է միւս երեխաներին, երկրորդը իր վրայ է առնում տան անտեսութեան հոգսը, մինչև որ մայրը պառկած է... Բանւոր դասակարգի մէջ շատ յաճախ կարելի է տեսնել, ինչպէս մի ընտանիք պահում, հսկում է ուրիշի երեխաներին, որովհետև նրանց ծնողները հիւանդացել են: Կանայք նոյն տեսակ օգնութիւն են ցոյց տալիս, երբ հարևանուհին ստիպւած է գրսի աշխատանքի գնալու, թողնելով տանը իր փոքրիկ մանկան: Եթէ բանւորները չօգնէին իրար, նրանք ուղղակի չէին կարող ապրել: Ես ճանաչում եմ ընտանիքներ, որոնք շարունակ օգնում են

իրար փոզով, կերակրով, փայտով, խնամելով փոքր երեխաներին հիւանդութեան կամ ծնողներին մահւան դէպքերում»:

Այս համոզմունքին են դալիս ամենքը, ով ապրել է աղքատների շրջանում, ով ծանօթ է բանւորների, գիւղացիների, մանր արհեստաւորների կեանքի հետ: Փոխադարձ օգնութեան ու աշխատակցութեան այս սովորութիւնը մըշակւում է հետզհետէ և աննկատելի կերպով մանկական հասակից: «Եթէ վերցնելու լինենք, օրինակի համար, չքաւոր ընտանիքների երեխաներին, երբ նրանք խաղում են փողոցում կամ եկեղեցու գաւթում, կամ մարգագետնի վրայ դուք անմիջապէս կը նկատէք, որ նրանք կազմում են իրանց մէջ սերտ միութիւն, չը նայած բոլոր ժամանակաւոր վէճերին, որ տեղի են ունենում նրանց մէջ. դուք կը տեսնէք, որ այդ միութիւնը պաշտպանում է նրանց ամեն տեսակ դժբախտութիւններից... «Մի մօտեցիր առւին», «մի կեր այդ պտուղները, դրանք թունաւոր են, կը մեռնես»: Ահա այն առաջին դասերը, որ տրւում են փոքրիկին, երբ նա մտնում է իր փողոցային ընկերների շրջանը: Քանի քանի երեխաներ, որոնք խաղում են փողոցներում, գետերի ու վտակների ափերում, մահւան զոհ կը դառնային, ընկնելով սայլերի անիւնտոի տակ կամ պղտոր ջրերը, եթէ նրանց մէջ չը լինէր այդ տեսակ փոխադարձ օգնութիւն: Իսկ երբ փոքրիկ կարմրաթշիկ Մարիամիկը վերջ ի վերջոյ ջուրն է ընկնում, մատաղ ձագուկը այնպիսի աղաղակ է բարձրացնում, որ հարեանները շտապով հաւաքւում են և շուտափոյթ օգնութիւն հասցնում»*)...

Մի խօսքով, մարդն իր մանկական հասակից սկսած մինչև ծերութեան ամենավերջին օրերը չէ կարող ապրել առանց փոխադարձ օգնութեան, առանց աշխա-

*) Кр — инъ... «Взаимопомощь», стр. 200.

տակցութեան ուրիշ մարդկանց հետ: Եւ որքան աւելի է բարդանում մարդկութեան կեանքը, այնքան աւելի ուժեղ կերպով է զգացւում փոխադարձ օգնութեան, աշխատակցութեան պահանջը: Ահա թէ ինչու մենք տեսնում ենք հարուստ ու կրթւած ժողովուրդների մէջ բազմաթիւ ամեն տեսակի ընկերութիւններ, որոնք կազմւած են գանազան նպատակներով: Կան ընկերութիւններ, որոնք ընդհանուր ոյժերով ուսումնասիրում են այս կամ այն գիտութիւնը. կան ընկերութիւններ, որոնք հող են տանում կրթութիւն տարածելու և այդ նպատակով ուսումնարաններ են շինում, թանգարաններ են բաց անում, զբոսայգիներ ու լրագիրներ են հրատարակում ու տարածում. կան ընկերութիւններ, որոնք կազմւում են նրա համար, որ անդամներին հնարաւորութիւն տան անցկացնելու իրանց ազատ ժամանակը հաճելի ու օգտակար կերպով, և այդ նպատակով զբօսանքներ են սարքում փոքր ի շատէ հեռաւոր յայտնի տեղեր այցելելու համար. վարձում են մարգագետիններ ու արձակ վայրեր, որտեղ ստեղծում են ամեն տեսակ յարմարութիւններ խաղերի ու մարզութիւնների համար ազատ օդում, կամ թէ յատուկ ակումբներ են բաց անում շախմատախաղ, կամ հեծելանիւով ըզբօսանք, կամ թէ նաւակների մրցութիւն սիրողների համար. կան, վերջապէս, ընկերութիւններ, որոնք հող են տանում իրանց անդամների տնտեսական գրութեան բարգաւաճման մասին. այսպէս, նրանք հնարաւորութիւն են տալիս գնելու էժան գներով լաւ մթերքներ, միւս կողմից էլ՝ ծախել իրանց ապրանքներն աւելի ձեռնաու պայմաններով, կամ աշխատում են իրանց անդամների համար ունեալ մշտապէս էժան ու յարմար վարկ, կամ թէ աշակցում են ձեռնարկելու մի որևէ գործի միահմուռ ոյժերով:

Բոլոր այդօրինակ ընկերութիւնները կազմւում են

փոխադարձ օգնութեան ու աշխատակցութեան հիմունքների վրայ: Ուրեմն, դրանք ամենքը հետամուտ են լինում կօօպերացիայի նպատակներին, ուստի և կարելի է դրանց ացւանել կօօպերասիւ ընկերութիւններ:

Բայց այստեղ խօսք կը լինի ոչ բոլոր կօօպերատիւ ընկերութիւնների մասին, այլ միայն այնպիսիների, որոնք հետամուտ են լինում իրանց անդամների սիստական բարգաւաճմանը: Այդ տեսակի կօօպերացիան չափազանց կարևոր է ուսական կեանքի համար ներկայ մօմէնտում:

ԿՕՕՊԵՐԱՅԻԱՆ ԱՐԵՒՄՏԵԱՆ ԵՒՐՕՊԱՅՈՒՄ

I

Թէ որպիսի մեծ ոյժ է ներկայացնում լաւ հիմունքների վրայ դրւած կօօպերացիան և ինչքան մեծ օգուտներ է բերում նա ժողովրդին՝ կարելի է հեշտութեամբ համոզել աւելի հարուստ ու լուսաւորւած պետութիւնների տւած փորձերից: Մենք առաջ կը բերենք այստեղ մի շարք տեղեկութիւններ եւրօպական մի քանի պետութիւններում գոյութիւն ունեցող կօօպերացիաների մասին:

Ամենից առաջ սկսենք Անգլիայից, որտեղ կօօպերատիւ շարժումը խիստ զարգացել է վերջին յիսուն տարւայ ընթացքում:

Ամեն տարի ամառւայ կիսին, երբ Լօնդօնից ամառանոց են գնում, ովքեր հնարաւորութիւն ունեն, Անգլիայի մայրաքաղաքը մի քանի օրով աղմկալի կենդանութիւն է ստանում շնորհիւ շափազանց հետաքրքիր այցելուների: «Նրանց, ասում է անգլիացիների կեանքին լաւ ծանօթ պ. Դիօնէօն,—բերում են Անգլիայի բոլոր ծայրերից երկաթուղու գիշերւայ գնացքները: Իրանց մէջ կան սպիտակ ալիքներով ծերունիներ և կարմրաթուշ, առողջակազմ երիտասարդներ իրանց լայն թիկունքներով ու ապշեցուցից մեծութեամբ բռունցքներով. կան նաև աղջիկներ ու երեխաներ: Ամենքը տօնօրւայ նման գեղեցիկ հագնւած են. շատերի ձեռքին կան ծաղիկ, փնջեր. ամենքի դէմքերը սպասողական արտայայտութիւն ունեն. կարծես, ակնկալում մի ինչ որ լաւ բանի: Դիշերւայ ժամը 2-ին, երբ հսկայական քաղաքի քնաթաթախ փողոցներում սովորաբար միայնակ թափառում է շրջմովի կամ՝ ոտիկանը,—մայիցների վրայ նկատուում է մեծ կենդանութիւն: Ճանապարհորդները խումբ-խումբ դուրս են գալիս զանազան կողմերից, հանգիստում իրար, խառնւում ու կազմում մի վիթխարի կենդանի ալիք, որ շարժուն է, ինչպէս սնդիկ և կենսուրախ, ինչպէս արտուտների երամ: Ծիծաղը, զւարճալի հանաքները ու երբեմն հնչող երգերը դրդեցնում են քնաթաթախ օդը: Ահագին, հազարաւոր ամբոխը շրջում է քաղաքի բոլոր գլխաւոր փողոցները, իսկ առաւօտեան ժամը 9-ին կենդանի առակի նման թափւում է սանդուխքներով ստորերկրեայ կայարանը. այստեղից ամեն 10 բուպէն յատուկ գնացքներ են մեկնում, որոնք հազիւ կարողանում են բոլոր ձանապարհորդներին տեղաւորել: Անքուն գիշերը բոլորովին չէ պակասեցրել ուրախութիւնը...»

«Ովքեր են այդ ուրախ այցելուները. դրանք կօօպերատորներն են հաւաքւել եկել Անգլիայի բոլոր ծայրերից իրանց տօնին, որ կատարում են շատ տարիների ընթացքում Բիւրեղային Պալատում»: Բիւրեղային Պալատում, Լօնդօնի ամենահոյակապ շինութիւններից մէկում, կօօպերատիւ ընկերութիւնները ցուցահանդէս են սարքել այն ապրանքների, որ արդիւ-

նաբերում են իրանց գործարաններում: Ահա դանակներ, որ պատրաստում են Շէֆֆիլդի կոօպերացիաները. երկաթէ թիթեղից շինած իրեր, որ արտահանում են Բիրմինգհեմի կոօպերատիւ ընկերութիւնների բանւորները. կօշիկներ, որ կարում են Կետերինգի կոօպերատորները. շորեր, որ պատրաստում են Լէյստերի կոօպերատիւ ընկերութիւնները: Ահա և մի ամբողջ դահլիճ, լցւած շարխերով, որոնք սուլելով պտտւում են էլեքտրականութեան միջոցով. ահա և բազմաթիւ մեքենաների լծակներ, որ ադմիլերով բանում են. այդ ամենը դարձեալ պատկանում է կոօպերատիւ ընկերութիւններին: Ահա և մի ընդարձակ շինութիւն, որ բռնել է Մանչէստրի տպարանական գործիչների կոօպերատիւ ընկերութիւնը. այստեղ դուք կը տեսնէք բրոշիւրներ, գրքեր, ամսագիրներ, որ տպագրել են կոօպերատորները. այստեղ ձեզ ցոյց կըտան մի քանի գրքեր, որոնք գրւած, տպւած, պատկերներով զարդարւած ու կազմւած են գանազան կոօպերատիւ ընկերութիւնների անդամների աջակցութեամբ: Ահա վերջապէս, ահագին յասպեայ տախտակներ, որոնք կօօպերատորների աշխատանքով են արդիւնաբերւած կօօպերատիւ ընկերութիւնների քարահանքներում. դա անգլիական կօօպերատիւ ընկերութիւնների ամենանշանաւոր ձեռնարկներից մէկն է: Բանը նրանումն է, որ մի լօրդ Պէնրիկ անունով, ունէր ահագին յասպեայ հանքեր և չէր ուզում ո՛չ մի դէպքում զիջել բանւորների պահանջներին՝ բարւոքել նրանց դրութիւնը: Սկսեց գործադուլ, որ և տեց երկար տարիներ. բանւորներին այդ գործադուլը շատ թանգ էր նստում, սակայն նրանք հաստատ հաւատում էին իրանց պահանջների արդարութեանը, ուստի և ո՛չ մի դէպքում չուզեցին յետ կանգնել պահանջներից:

Այդ ժամանակ Անգլիայի բանւորական միութիւնները,

որոնք շատ օգնում էին գործադուլաւոր-քարհատներին, որոշեցին, որ իրանց համար աւելի շահաւէտ կը լինի ձեռք բերել մի քանի յասպեայ հանքեր և այնտեղ տեղ տալ այն բոլոր բանւորներին, որոնք չէին ուզում գնալ լօրդ Պէնրիկի մօտ աշխատելու: Այդպէս էլ արեցին: Ի հարկէ, այդպիսի յասպեայ հանքեր գնելն ու կարգի բերելը պահանջում էր մեծ գումարներ, սակայն անգլիական կօօպերացիաների մօտ գտնւեցին այդ միջոցները: Եւ ահա կօօպերատորների 1903 թւականի ցուցահանդիսին առաջին անգամ հանդէս էին բերւած Բիւրեղային Պայատում յասպեայ տախտակներ, որ արդիւնաբերել էին կօօպերատորները իրանց սեփական յասպեայ հանքերում: Այդ ժամանակ կօօպերացիաներն ունէին արդէն երեք սեփական յասպեայ հանքեր:

Բիւրեղային Պալատի շուրջը ձգւած է փոքրիկ մարգագետին. նրա մի կողմում, վրանի տակ սարքւած է ծաղիկների ընդարձակ ցուցահանդէս: Այստեղ ցոյց են գրւած կրկին կօօպերատորների ձեռքով իրանց փոքրիկ պարտէզներում բուսցրած ծաղիկներ: «Այցելուներն անցնում են ու դմայւում, պատմում է նոյն հեղինակը, այդտեղ ցոյց գրւած ահագին դդումներով, հսկայական գազարով ու վիթխարի կաղամբով: Այդ բոլոր բանջարեղէնները բուսել են Շօտլանդիայի կօօպերատիւ ընկերութիւնների ագարակներում: Ինքնը պատշգամբում հնչում են պղնձէ փողերը, ճչում սրինգները, իսկ կօպերատորների երեխաները անվերջ շարքերով հանդիսաւոր կերպով անցնում են առջևից... սրանք էլ ունեն իրանց սեփական միութիւնը, գիլդիան: Մարգագետնի վրայ տեղի են ունենում տեսակ-տեսակ մրցութիւններ՝ երեխաները մրցարշաւ են սարքում, ցատկոտում են թոկերի վրայից և այլն: Մօտենում է ցերեկւայ ժամը երեքը, և ամենքը կրկին շտապում են դէպի Պալատը, դէպի թատրոն՝ լսելու հռչակաւոր երգեցիկ

խումբը, որ բաղկացած է 7000 հոգուց: Խումբը կազմ-
 ւած է, ի հարկէ, սիրողներից: Ամենքն էլ կօօպերա-
 տօրներ են, զանազան «գիլգիաների» անդամներ, որոնք
 հէնց նոյն օրն առաւօտեան են ժողովել Սնգլիայի բո-
 յոր ծայրերից: Իւրաքանչիւր գիլգիա ունի իր երգեցիկ
 խումբը: Երգեցողութիւնը նրանք սովորել են իրանց
 ակումբներում, երեկոները, աշխատանքից յետոյ: Այդ վիթ-
 խարի երգեցիկ խումբը ուժեղ սպաւորութիւն է գոր-
 ծում թէ գեղեցիկ ձայներով և թէ ներգաշնակութեամբ...
 Հանդէսը վերջանում է, երեկոյեան շատ ուշ, պարերով ու
 հրվառութեամբ մարզապետնի վրայ»:

Անգլիական կօօպերատիւ ընկերութիւնների այդ տօ-
 նից արդէն կարելի է պարզ տեսնել, թէ որպիսի մեծ ոյժ
 են ներկայացնում կօօպերատիւ ընկերութիւնները Անգլիա-
 յում: Եւ յիրաւի, «կօօպերատօրների Միութիւնը» գեո
 1903 թ. ունէր 1462 սպառողական ընկերութիւն 1,793-
 770 անդամով:

Միութիւնը 1902 թ. ստացել է զուտ արդիւնք 82,-
 652,760 ուրախ: Այդ կօօպերացիաների անդամների ճնշող
 մեծամասնութիւնը հասարակ բանւորներ են: Յիշեալ 82
 միլիօն ուրախն մնացել է կօօպերատիւ ընկերութիւնների
 ձեռքին, ուրեմն իրանց բանւորների ձեռքին: Ամբողջ գումար-
 քը գործադրւած է բանւորների գործի ու կենցաղի բարե-
 լաւման վրայ: Եթէ այստեղ կօօպերատիւ ընկերութիւն-
 ներ չը լինէին, այդ արդիւնքը կը հասնէր հարուստ գոր-
 ծարանատէրերին և առևտրականներին: Ահա թէ որքան
 խոշոր, զուտ անտեսական օգուտ են բերում անգլիական
 կօօպերացիաները բանւոր մարդկանց:

Ինքն ըստ ինքեան պարզ է, որ անգլիացի գործարա-
 նատէրերն ու վաճառականները չէին կարող հանգիստ
 սրտով նայել, թէ ինչպէս է աճում կօօպերատիւ շարժումը:
 Նրանք փորձեցին մաքառել դրա զէմ: Պայմանաւորեցին

միեանց հետ՝ չընդունել այլևս իրանց գործարաններում
 կօօպերատիւ ընկերութիւնների անդամներին, չը տալ
 նրանց բնակարաններ և այլն: Սակայն կօօպերա-
 տօրները անձնատուր չեղան. նրանք իրանց միջոց-
 ներից յատկացրին մի միլիօն ուրախ գործարանատէրերի
 ու վաճառականների դէմ սկսւած կռիւ կազմակերպու-
 թեան համար, և յաղթանակը վերջ ի վերջոյ մնաց կօօպե-
 րատիւ ընկերութիւնների կողմը:

II

Անգլիայի համարեա հանդէպ, այնտեղ, ուր անձուկ
 նեղուցը բաժանում է անգլիական կղզիները Եւրօպայի
 մայր—ցամաքից, գտնւում է մի փոքրիկ պետութիւն՝
 Բէլգիան:

Բէլգիական թագաւորութիւնը նոյնպէս հոշակւած է
 իր կօօպերատիւ ընկերութիւններով, ինչպէս արդիւնաբե-
 րող, նոյնպէս և սպառող, այսինքն՝ այնպիսի ընկերու-
 թիւններով, որոնք պատրաստում են զանազան սպրանք-
 ներ, կամ աջակցում են անդամներին ձեռք բերելու
 էժան գներով լաւ սպրանքներ:

Ներկայումս բէլգիական բանւորները ունեն 223 կօ-
 օպերացիա, որոնցից 25-ը արդիւնաբերող են, իսկ 198-ը
 սպառող: Այդ սպառողական ընկերութիւններից օգտւում
 են տարեկան 520,000 մարդ, որ կազմում է ամբողջ ազ-
 գաբնակութեան ¹/₁₂ մասը: Այդ ընկերութիւնների
 անդամների թիւը 100,000 հոգուց էլ անցնում է,
 իսկ նրանց ծառայողների թիւը հասնում է 1700 հոգու:
 Բոլոր կօօպերատիւ ձեռնարկութիւնների տարեկան ընդ-
 հանուր շրջանառութիւնը 10,000,000 ուրախուց աւել է և
 բերում է զուտ արդիւնք տարեկան մօտ 700,000 ուրախ,

39283-63



չընայած նրան, որ ծառայողները աշխատանքն այստեղ շատ լաւ է վարձատրուում:

Բէլգիական կօօպերացիաները ահագին մեծամասնութիւնը միջակ մեծութիւն ունի և բաղկացած է 500—1000 անդամից: Բայց Բէլգիայում կան և շատ խոշոր կօօպերացիաներ: Այսպէս, օրինակ, Գէնտ քաղաքի «Յառաջ» կօօպերացիան ունի 8,000 անդամ, Ռու քաղաքի «Համաձայնութիւն»-ը՝ 10,000 անդամ, Բրիւսէլի «Ժողովրդական տուն»-ը՝ 25 հազար և այլն:

Այս բոլոր կօօպերացիաները ներկայումս ունեն ահագին կայքեր ու գոյքեր: Կօօպերատիւ ընկերութիւնների խոշոր մեծամասնութիւնն ունի թանգազին անշարժ կալւածներ: Նրանց սեփական շինութիւնների մէջ գետեղած են խանութներ, փուռներ, գրադարաններ, սրճարաններ ու դահլիճներ ամեն տեսակ ժողովների համար: Այս բոլոր շինութիւնները գնահատուում են 7 միլիոն ուրբուց անել: Բէլգիական բանւորների կազմակերպած կօօպերատիւ ընկերութիւնների ձեռքի տակ գտնուում են՝ 50 փուռ, որոնք տարեկան տասնեակ միլիոն փութ հաց են թխում, ութ տպարան, երեք հատ ծխախոտի գործարան, մի հատ մեծ մանուֆակտուրային գործարան 300 բանւորներով, տասը գարեջրի գործարան, մի բանի կօնդիտերի խանութ, կաթնատնտեսական ազարակներ, ատաղձագործարաններ, սեփական քարահանք և բանջարեղէնի մի քանի տնտեսութիւններ: Բանւորական կօօպերացիաներին պատկանող բոլոր խանութների թիւը հասնում է 300-ի: Այս բոլոր ձեռնարկները տալիս են մինչև վեց տոկոս զուտ արդիւնք, մինչդեռ նոյն իսկ երեք տոկոս արդիւնքը համարւում է Բէլգիայում խիստ բաւարար:

Այս ամենը ձեռք է բերւած հասարակ բանւորների շանքերով, որոնք իրանց յօժար կամքով համախմբել են

կօօպերատիւ ընկերութիւնների մէջ: Ծանօթանանք աւելի մօտիկ կօօպերատիւ ձեռնարկներից գոնէ մէկի հետ:

Կօօպերատիւ ընկերութիւններից ամենից հինը և ամենից շատ յարգանք վայելողը Բէլգիայում հանդիսանում է «Յառաջ» (Voruit) ընկերութիւնը Գենտ քաղաքում: Այդ ընկերութիւնը հիմնւած է մօտաւորապէս 25 տարի առաջ մի խումբ բանւորների ձեռքով: Փոխ առնելով 700 ուրբի շուրջահները միութիւնից, բանւորները որոշում են կօօպերատիւ հիմունքներով փուռ հիմնել: Գործը հէնց սկզբից լաւ է գնում. առաջին տարւայ վերջում արդէն նոր կօօպերատիւ փուռը կարողանում է վերադարձնել իր պարտքը:

Նոր կօօպերացիայի անդամների մէջ կային գործունեայ ու հասկացող մարդիկ, գրանցից երկուսը առաջարկեցին ընկերութեանը վարձել մի հին բամբակ մանելու գործարան, որ գտնուում էր քաղաքի կենտրոնում, և շինել այնտեղ կատարելագործւած փուռ շոգէվառարաններով ու հունցելու մեխանիկական թիակներով: Ընկերութեան ընդհանուր ժողովն ընդունեց այդ առաջարկը, և 1883 թ. բացւեց նոր փուռը: Գործը շատ յաջող առաջ գնաց, մանաւանդ շնորհիւ այն հանգամանքի, որ կօօպերատորները կարողացել էին ընտրել հմուտ բանւորներ ու լաւ կառավարիչներ: Կօօպերացիան հէնց առաջին տարին ստացաւ այնքան մեծ արդիւնք, որ յետագայ 1884 թ. կարողացաւ հին շինութեան տեղ կառուցանել նորը, կատարելագործւած փուռով, ահագին դահլիճներով, յարմարեցրած զանազան ընկերութիւնների ժողովների և թատրոնական ներկայացումների համար, գրադարանով, մեծ խանութներով և այլն: Ընկերութեան անդամների թիւը անմիջապէս սկսում է չափազանց արագ աճել, համարեա իւրաքանչիւր շաբաթ տասնեակ նոր բանւորներ մտնում են կօօպերացիայի կազմի մէջ:

1886 թ. Գենտում սկսում է լոյս տեսնել օրաթերթ, և ընկերութիւնը շտապում է վարձով տալու իր շէնքի մի մասը թերթի տպարանի համար: 1887 թ. փորձ է անւում սկսել մանուֆակտուրային ապրանքների և պատրաստի հագուստեղէնի առևտուր: Սկզբում առևտուրը լինում էր միայն երեկոները, բայց շուտով ստիպւած եղան այդ ձեռնարկին ևս լայն ծաւալ տալու:

Մօտաւորապէս հէնց այդ ժամանակամիջոցին ընկերութիւնը բաց է անում մի դեղատուն. առևտուրն այնքան յաջող է ընթանում, որ մի տարուց յետոյ պահանջ է զգացւում բանալու երկրորդ կօօպերատիւ դեղատունը քաղաքի միւս մասում, իսկ համեմատաբար կարճ ժամանակամիջոցից յետոյ ընկերութիւնը հիմնում է նաև երրորդ դեղատունը: Հէնց այդ ժամանակ կօօպերատօրները հիմնում են սրճարան, ժողովների համար դահլիճ, կօշկեղէնի արհեստանոց, տնային պիտոյքների առևտուր և այլն:

«Յառաջ» ընկերութեան օրինակը այնքան մեծ տրպաւորութիւն է թողնում Բէլգիայի բանւորների վրայ, որ կօօպերատիւ ընկերութիւնները սկսում են մեծ քանակութեամբ առաջ գալ երկրի զանազան քաղաքներում: Բայց այդ միջոցին քնած չէին և գործարանատէրերը. սրբանց դուր չէր գալիս, որ բանւորները, շնորհիւ իրանց կօօպերատիւ ընկերութիւնների, սկսել էին համախմբել սերտ միութիւնների մէջ: Նրանք փորձեցին մաքառել «Յառաջ» ընկերութեան դէմ և այդ նպատակով բաց արին նոյն Գենտ քաղաքում նոր հացագործարան «ժողովրդական օգնութիւն» անւան տակ, որ ձգտում էր իր կողմը գրաւել բանւորներին, առաջարկելով մի շարք ամենաշահաւէտ պայմաններ: Վտանգաւոր մրցակցին իրօք յաջողւում է մի առ ժամանակ իր կողմը քաշել բանւորների մի մասը. «Յառաջ» ընկերութեան անդամների թիւը ըս-

կսում է ընկնել, սակայն յետոյ բանւորները շուտով ըմբռնում են, որ գործարանատէրերը առաջարկում են նրանց բոլոր այդ շահաւէտ պայմանները միայն մի նպատակով՝ ոչնչացնել բանւորական կօօպերացիան և ապա նորից իրանց ձեռքը ձգել բանւորական մասսաները: Բանւորների համակրանքը կրկին դառնում է դէպի «Յառաջ» ընկերութիւնը, որը և շարունակում է զարգանալ մի հազազիւս յաջողութեամբ:

1899 թ. հոկտեմբերի 29-ին «Յառաջ» ընկերութիւնը տօնեց իր մի նոր մագազինի բացումը: Դա մի նոր շէնք է, որ պատկանում է բանւորական կօօպերացիային և դեռ հեռւից գրաւում է անցորդի ուշադրութիւնն իր ընդարձակութեամբ, մաքրութեամբ ու գեղեցկութեամբ: Տօնին մասնակցելու համար ժողովել էին Բէլգիայի զանազան քաղաքներից ու գիւղերից 20,000 հոգուց աւել մարդիկ: Այդ բազմութիւնը հանդիսաւոր թափօրով անցաւ քաղաքի գլխաւոր փողոցներով: Դրօշակների վրայ, որ տանում էր ամբօխը, կային բազմաթիւ մակագրութիւններ, որոնք պարզ արտայայտում էին, թէ բանւորները ուրքան բարձր են զնահատում իրանց կօօպերացիան: Այսպէս, օրինակ, կային դրօշակներ, որոնց վրայ կարելի էր կարգալ այսպիսի մակագրութիւններ «Շնորհիւ «Յառաջ» ընկերութեան, բարւոքել է Գենտ քաղաքի նիւթական գորութիւնը», «փոքր ու պատիւ «Յառաջ» ընկերութեան, որ մաքառում է չքաւորութեան դէմ», ««Յառաջ» ընկերութիւնը կազմակերպել է 700 ուրբիով, որ ժողովել են աղքատ շուկակները. հիացէք նրա ստեղծագործութիւնով!» և այլն. և արդարև. բոլոր այստեղ պատմւածներից մենք տեսնում ենք, որ կարելի է, իսկապէս, հիանալ այն հասարակական ոյժով, որը պարունակւած է կօօպերատիւ ձեռնարկների մէջ:

III

Հետաքրքիր է փոքր ինչ կանգ առնել երկրագործական կօօպերացիաների վրայ: Այդ կողմից ուշադրութեան արժանի է մանաւանդ փոքրիկ Դանիան, որը, բնակիչների թւի կողմից աւելի փոքր է քան, օրինակ, Ռուսաստանի միջակ մեծութեան նահանգը: Այստեղի բոլոր երկրագործական տնտեսութիւնների կէսից աւելին մանր տնտեսութիւններ են, որոնցից իւրաքանչիւրն ունի հազիւ 30 ղեսեատին հող: Դեռ մի հարիւր տարի առաջ Դանիան բոլորովին աղքատ պետութիւն էր, իսկ այժմ նա երկրագնդի ամենահարուստ երկիրներից մէկն է:

Ներկայումս Դանիայի բոլոր հողերը ղեղեցիկ մշակւած են. չոր ու աւազոտ անապատները վերածւած են կանաչ գաշտերի ու արտերի. ճահիճները չորացրած են, և նոյն իսկ ծովի յատակի մի մասը խլւած է ու գործադրւած նոյն նպատակին: Արդարև. մինչդեռ Զելանդիա կղզու վրայ, օրինակ, չորացրած է ծովի յատակից 14 հազար ղեսեատին, ամբողջ Դանիայում նոյն ճանապարհով ձեռք է բերւած 37 հազար ղեսեատին մշակւած հող:

Գիւղատնտեսութիւնն այստեղ այնքան լաւ հիմունքների վրայ է դրւած, որ Դանիան ոչ միայն ապահովում է իրան հացով, այլ և արտահանում է բաւականաչափ իւղ, միս, բուրգ, կաշի ու ձու. դա լաւ աշխատանք է տալիս ազգաբնակիւթեանը, և շնորհիւ դրան ժողովուրդը կարողանում է վարել կատարելապէս բարեկեցիկ կեանք: Դանիայի երկրագործութեան այս յաջողութիւնը գլխաւորապէս պարտական է բազմաթիւ ամեն տեսակի միութիւնների ու ընկերութիւններին, որոնք պատել են ամբողջ երկիրը խիտ ցանցով: Եւ, իսկապէս, դուք այստեղ կը տեսնէք իւղի ու պանրի բազմաթիւ գործարաններ, որոնք

բանւորական խմբակցութիւններով են (артельный) կազմակերպւած, միութիւններ իւղ ու ձու արտահանելու համար. ընկերութիւններ, որոնք գնում են ընդհանուր ոյժերով հողը պարարտացնող արհեստական նիւթեր, գիւղատնտեսական գործիքներ, եզներ, ձիեր, նոյնպէս և գալանտէր ապրանքներ, որ ձեռք են բերում ամբողջ գիւղերը միասին: Այնտեղ, տեղումը, գիւրին է համոզել, որ Դանիայի երկրագործութիւնն իր ամբողջ յաջողութեամբ պարտական է բացառապէս կօօպերատիւ ընկերութիւնների զարգացման: Եւ արդարև. ենթադրենք, թէ հարկաւորէ ընտանի կենդանիների տեսակը բարելաւել, որպէսզի կարելի լինի ըստանալ աւելի շատ մսեղէն ու կաթնեղէն մթերքներ, և անհանմիջապէս կազմակերպւում է արտել՝ եզներ առնելու համար, և դրանց համար վճարում են հազարներ. կամ, օրինակ, պարզում է, որ իւղը միայն այն ղէպքում լաւ կարտահանւի արտասահման, երբ միանւագ մեծ քանակութեամբ ուղարկւած իւղը մի տեսակի է և նոյն իսկ մի գոյնի. և անհ կազմակերպւում են արտելի սկզբունքներով իւղագործարաններ, որոնք հիմնում են միահմուտ ոյժերով կենտրոնական պահեստատեղի, սւր իւղը ենթարկւում է վերջնական մշակման և ընդունում է այնպիսի գոյն ու որակ, որպիսին պահանջւում է արտահանութեան համար: Նոյն հիմունքների վրայ է դրւած նաև ձուի արտահանութիւնը:

Դանիայի գիւղատնտեսները, կամենալով ձեռք բերել արտասահմանի մուշտարիւնների վստահութիւնը, կազմակերպել են «Ձուի արտահանութեան Դանիական ընկերութիւնը», որ ընդգրկում է իր մէջ 18 հազար առանձին տնտեսութիւններ: Բոլոր ձուերը, որ ստանում է ընկերութիւնը, պիտի լինեն ոչ աւելի, քան եօթ օրւայ: Իւրաքանչիւր ձուի վրայ դրւած է տիրոջ համարը, ամեն մի փշացած ձուի համար տէրը ենթարկւում է տուգանքի:

Նոյնանման փոփոխութիւն գիւղատնտեսութեան մէջ մենք նկատումենք և Իրլանդիայում՝ մի համեմատաբար փոքրիկ կղզու վրայ, որ պատկանում է Մեծ-Բրիտանական կայսրութեան: Դեռ 25 տարի առաջ այդ երկրի գիւղատնտեսութիւնը գտնուում էր ամենախղճուկ վիճակի մէջ: Իսկ այժմ նա ամբողջովին դուրս է եկել նախկին աղքատ ու քայքայւած դրութիւնից: Իրլանդիային ազատեց կաթնատնտեսութիւնը և թռչնաբուծութիւնը, որոնք զգալի չափով դառել են արդիւնաւէտ, շնորհիւ բազմաթիւ կօօպերատիւ ընկերութիւնների: Այսպէս, առաջին կաթնատնտեսական արտելը, բաղկացած 50 անդամներից, կազմակերպւեց Իրլանդիայում 1889 թ., իսկ 10 տարուց յետոյ արտելների թիւը հասաւ 100-ի, 20 հազար անդամով և 55 հազար ուղբի գրամագլխով: Իսկ 1900 թ. վերջում փոքրիկ Իրլանդիայի կօօպերացիաների անդամների ընդհանուր թիւը հասնում էր 45 հազար հոգու: Բէլգիայում, ինչպէս մենք արդէն տեսանք, քաղաքների բանւորները կազմակերպում են զանազան բազմաթիւ կօօպերատիւ ձեռնարկութիւններ. գիւղական ազգաբնակիչութիւնը ևս այդ կողմից յետ չէ մնացել քաղաքացիներից: Այսպէս, 1900 թ. կային 1,297 զանազան կարգի գիւղատնտեսական միութիւններ և ընկերութիւններ, որոնցից 258-ը կաթնատնտեսական արտելներ էին:

Նոյնանման յաջողութեան գիւղատնտեսութեան մէջ հասել էր մեր Ֆինլանդիան, որտեղ գիւղացին համարեա մերկ գրանիտի վրայ կարողացաւ իր կեանքը աւելի լաւ ապահովել, քան ոռոս մուժիկը սևահողի վրայ, որն ապշեցնում է իր արգաւանդութեամբ:

Կանգ առնենք նաև Գերմանիայի վրայ, որտեղ 1900 թ. կային 13,636 գիւղատնտեսական ընկերութիւններ. $7\frac{1}{2}$ տարւայ ընթացքում այդ ընկերութիւնների թիւը աւելացել էր $2\frac{1}{2}$ անգամ: Այս գիւղատնտեսական ընկե-

րութիւններին մասնակցում են ներկայումս մինչև 570 հազար գիւղատնտեսներ, իսկ որովհետև բոլոր գիւղատնտեսների թիւը Գերմանիայում հասնում է մօտ 5 միլիոն հոգու, հետևաբար միջին հաշուով ամեն մի տասնեակ գիւղատնտեսներից մէկը գտնուում է որևէ կօօպերատիւ ընկերութեան մէջ:

Եւ այս բոլոր կօօպերացիաների մէջ գլխաւորապէս մասնակցում են մանր գիւղատնտեսները, որոնք մշակում են իրանց արտերը սեփական ձեռքերով, այսինքն, ուրիշ խօսքով՝ գիւղացիներ են:

Այս տեսակ օրինակների թիւը մենք կարող էինք դեռ բաւականաչափ աւելացնել, բայց առաջ բերւածներն էլ բաւական են: Այստեղ նկարագրւածից արդէն իսկ երևում է, որչափ մեծ ոյժ է ներկայացնում եւրօպական քաղաքակրթւած պետութիւններում կօօպերացիան տնտեսական ձեռնարկների ապարէզում, չընայած, որ ժողովրդական: մասսաները միայն մի քանի տասնեակ տարի առաջ են սկսել գիտակցօրէն ու սխտեմատիքաբար կիրատել կօօպերացիան կեանքի մէջ:

ԿՕՕՊԵՐԱՅԻԱՆ ՌՈՒՍԱՄՍԱՆՈՒՄ

I

Մեզ մօտ ևս, մեր հայրենիքում, ամենալաւ մարդիկ, որոնք նւիրւած են ժողովրդի շահերին, վաղուց արդէն մասնացոյց են արել և այժմ էլ պնդում են, որ անհրաժեշտ է սովորցնել մեր ժողովրդին աշխատակցութեան, կօօպերատիւ դործին:

Համարեա 25 տարի առաջ մեր սկանաւոր գրողներից մէկը՝ Գլէբ Ուսպէնսկին, որ գեղեցիկ ուսումնասիրել

է գիւղացիկան կեանքը, գրել է հետեւեալը. «Իմ կարծիքով, ժամանակակից ուս գիւղացու կեանքը իւրաքանչիւր քայլափոխում, կարծես, աղաղակում է, որ միայն ընկերակցութիւնը, գործակցութիւնը և ընդհանուրի օգտին միահմուռ ոյժերով տարած գարծի փոխադարձ գիտակցութիւնն է, որ կազմում են գիւղական աշխարհի միակ յոյսը փոքր ի շատէ լաւ ապագայ ձեռք բերելու. դրանք են, որ միայն հնարաւորութիւն կը տան «կրճատելու» աշխատանքի հսկայական չափերը, մի աշխատանքի, որ կլանում է գիւղացու ամբողջ կեանքը»...

Այդ օրւանից ի վեր մեր գիւղն աւելի ևս քայքայւել է, և, հետեւաբար, աւելի զօրեղ կերպով է զգացուում նրա կեանքին կօօպերատիւ կազմակերպութիւն տալու պահանջը: Երբ 1902 թ. գաւառներում ու հաճանգներում կազմակերպւեցին գիւղատնտեսական կօմիտէներ, որպէսզի պարզեն գիւղատնտեսութեան կարիքները և մատնանիշ անեն այն միջոցների վրայ, որոնցով կարելի էր բաւարարութիւն տալ այդ կարիքներին,—շատերն այն միտքը յայտնեցին, որ անհրաժեշտ է ըստ հնարաւորութեան լայն չափերով տարածել մեր գիւղերում գանազան կօօպերատիւ հաստատութիւններ:

Այդ գիւղատնտեսական կօմիտէներում բերում էին չափազանց բազմազան ապացոյցներ յօգուտ կօօպերացիաների: Մասնանիշ էին անում, օրինակ, այն հանգամանքի վրայ, որ միանւագ մեծ քանակութեամբ գանազան ապրանքներ առնելուց՝ գիւղական ազգաբնակչութիւնը կըստանայ աւելի լաւ ապրանք անհամեմատ էժան գներով, իսկ իր ապրանքները կը ծախի աւելի շահաւէտ պայմաններով. որ կօօպերատիւ հիմնարկութիւնների միջոցով աւելի դիւրին կարելի է փոխարինաբար փող վերցնել և այս էլ աւելի նպաստաւոր պայմաններով, քան մասնաւոր մարդկանցից. որ միացեալ գործունէութեամբ աւելի հեշտ

են իրագործում ամեն տեսակ տնտեսական բարւոքումներ. որ կօօպերացիայի միջոցով աւելի դիւրին է ձեռք բերել փոխադարձ օգնութիւն գանազան աղէտների դժբախտութիւնների դէպքերում, կազմակերպելով ապահովագրութեան ընկերութիւններ հրդեհից, կարկառից, անասունների կոտորածից: Մի խօսքով գիւղատնտեսական կօմիտէները շատ լաւ էին հասկանում, որ «Երկու շուն միասին աւելի շատ նապաստակներ կը բռնեն, քան չորսը՝ ջոկ-ջոկ»:

Բայց կօօպերացիան ոչ միայն պէտք է դիւրացնի գիւղացիական կեանքի ամբողջ ընթացքը, այլ և միաժամանակ նա յաճախ միակ ելքն է այն խղճուկ գրութիւնից, որի մէջ ներկայումս գտնւում է մեր գիւղատնտեսութիւնը: Եւ յիշուի, գիւղացին շատ տեղերում այժմ արդէն հնարաւորութիւն չունի հետեւելու հին եռամեայ սերմնափոխութեան սիստէմին. նրա համար անհրաժեշտ է խոտ ցանել, կայուն հիմունքների վրայ դնել կաթնատնտեսութիւնը, զբաղւել աւելի մեծ խնամքով այգեգործութեամբ, տնայնագործութեամբ ու պահել բանջարանոցներ: Բայց այդ բոլորը նոր հիմունքների վրայ դնելու համար պահանջւում է դրամագլուխ, իսկ մեր գիւղը ամբողջովին աղքատացել է, և միայն կանոնաւոր կազմակերպւած կօօպերացիաների միջոցով կարելի է ձեռք բերել անհրաժեշտ դրամագլուխը: Սակայն այդ էլ բաւական չէ: Ռունենալով նոյն իսկ անհրաժեշտ դրամագլուխ, յաճախ անհնարին է անցնել տնտեսութեան նոր ձևերի: Չէ որ անկարելի է հին արօրով ու փայտէ ցաքանով գործ տեսնել, երբ հողը պահանջւում է նոր, աւելի մեծ խնամքով մշակում:

Ստիպւած պիտի գտնել ու գործածել նոր աւելի կատարելագործւած գործիքներ՝ գութաններ, կասելու ու քամելու մեքենաներ: Այդ ամենը պէտք է յարմար գայ տնտեսութեան, պէտք է ձեռք բերել մեծ զգուշութեամբ ու խնայողութեամբ, որովհետև այդ գործիքների վրայ

կարող են յաճախ ծախսել գիւղացու վերջին գրօշները: Հետեւաբար, նա պիտի անձամբ տեսնի, զննի ու թերեւ, նոյնիսկ փորձի ենթարկի այդ գործիքների զանազան տեսակները, նախ քան կը վստահանայ գնել: Իսկ այդ բոլոր յարմարութիւնները, իհարկէ, կարող է նրան տալ միայն կօօպերացիան, միայն ընդհանուր ոյժերով հնարաւոր է ապահովել այդ ամենի իրագործումը: Ահա թէ ինչու արդարացի են նրանք, որոնք պնդում են, թէ առանց կօօպերացիայի անկարելի է յուսալ, թէ մեր գիւղատնտեսութիւնը կը բարւոքւի:

II

Մենք արդէն ասացինք, որ կօօպերացիայի նշանակութիւնը ռուս ժողովրդի կեանքի համար զնահատուած էր դեռ շատ տարիներ առաջ ռուս հասարակութեան ամենալաւ մասի կողմից: Համարեա թէ գիւղացիներին ճորտութիւնից ազատելու օրից սկսած, փորձեր էին անուում ընտելացնելու ռուս ժողովրդին կօօպերատիւ ձեռնարկութիւններին: Մենք այստեղ կանգ կառնենք այն կօօպերատիւ ձեռնարկութիւնների վրայ, որոնք ժողովրդին մօտ էին և այժմ էլ մօտ են կանգնած, և որոնք կարող էին նրան մեծ ու շուտափոյթ օգնութիւն հասցնել:

Սկսենք թէկուզ փոխատու-խնայողական ընկերութիւններից: Առաջին այս տեսակի կօօպերացիան հիմնուած էր դեռ 1865 թ. Կօստրօմայի նահանգի Րօժդեստովենսկի գիւղում: Փոխատու-խնայողական ընկերութիւնները սովորաբար կազմակերպւում են հետեւեալ հիմունքներով. ընկերութեան անդամ կարող է լինել ամեն մի մարդ առանց դասային խտրութեան: Նոր անդամները ընտրւում են ընկերութեան ընդհանուր ժողովում: Իւրաքանչիւր անդամ ընկերութեան մէջ մտնելիս պիտի վճարի մի որոշ գումար՝ բաժին: Ընկերութիւնը փող է

պարտք տալիս, ընդունում է տոկոսով պահելու համար գումարներ և անում փոխառութիւններ. ընկերութեան պարտքերի համար պատասխանատու են անդամները՝ սովորաբար իրանց գոյքով: Ընկերութեան գործերը վարում են խորհուրդն ու վարչութիւնը, որոնք ընտրւում են ընդհանուր ժողովից: Հաշւետւութեան հաստատութիւնը և կարևոր հարցերի քննութիւնը կատարւում է ընդհանուր ժողովներում: 1895 թ. սկսած փոխատու-խնայողական ընկերութիւնների իրաւասութեան շրջանը բաւականաչափ ընդլայնւած է: Նրանց թոյլատրւած է փող պարտք տալ թէ երկար ժամանակով և թէ, գրաւ վերցնելով շարժական ու անշարժ կալւածներ, ապա և միջնորդ հանդիսանալ, երբ ընկերութեան անդամները առնում են իրանց տնտեսութեան համար անհրաժեշտ զանազան պիտոյքներ, կամ ծախում են իրանց աշխատանքի արտադրութիւնները:

Փոխատու խնայողական ընկերութիւններին իրանց կազմակերպութեամբ շատ մօտ են կանգնած փոխատու-խնայողական դրամարկղները, որոնք տարածւած են գլխաւորապէս Բալտեան շրջանում, Լիֆլանդիայի, Կուրլանդիայի և էսթլանդիայի նահանգներում: Փոխատու-խնայողական ընկերութիւնների ու դրամարկղների ընդհանուր թիւը 1903 թ. յունւարի մէկին հասնում էր, 852-ի մօտաւորապէս 400 հազար անդամներով: Այս հիմնարկութիւնների պարտք տւած և դեռ յետ չը ստացած փողի ընդհանուր գումարը հասնում էր 1903 թ. մօտ 38 միլիօն ռուբլու:

Նոյն նպատակին՝ հեշտութեամբ ձեռք բերել փոխարինաբար փող, ներկայումս ծառայում են վարկի ընկերութիւնները: Սրանք շատ նման են փոխատու-խնայողական ընկերութիւններին, բայց և մի քանի ուրիշ կողմերով էլ տարբերւում են նրանցից: Առաջին տարբերու-

Թիւնը նրանումն է, որ վարկի ընկերութիւնների դրամագլուխը բաժիններից չէ գոյանում, այլ կազմում է այն գումարներից, որոնք տրւում են կամ նւէր, կամ փոխարինարար՝ գեմատօյական, հասարակական կամ մասնաւոր հիմնարկութիւնների և անձնաւորութիւնների կողմից, կամ թէ արքունի գանձարանից ու պետական բանկից: Այս տեսակէտից վարկի ընկերութիւնները ազգաբնակութեան չքաւոր խաւերի համար աւելի արտօնաւոր են, քան փոխառութեան խնայողական ընկերութիւնները: Վարկի ընկերութիւնները ունեն էլի ուրիշ առաւելութիւններ և ընդհանրապէս համարւում են աւելի կատարելագործւած կօօպերատիւ հիմնարկութիւններ:

Վարկի ընկերութիւնները մեզանում սկսեցին կազմակերպւել միայն 1895 թւականից: 1904 թ. կիսում գործում էին արդէն 452 ընկերութիւն, որոնց պարտքով տրւած փողի ընդհանուր գումարը 1904 թ. կազմում էր մօտաւորապէս 4 միլիոն ուրբլի, իսկ գումար արդիւնքը՝ մօտաւորապէս 200 հազար ուրբլի, մինչդեռ փոխառութեան խնայողական ընկերութիւնների ու դրամարկիւնների գումար արդիւնքը մի միլիոն ուրբլուց էլ աւել էր:

Սպառողական ընկերութիւնները նոյնպէս սկսեցին կազմակերպւել 1865 թւականից: Այդ կարգի ընկերութիւններ հիմնելու համար երկար ժամանակ պահանջւում էր ներքին գործերի մինիստրի թոյլաւութիւնը, և միայն 1897 թ. նահանգապետներին իրաւունք տրւեց թոյլատրել կազմելու այդ տեսակ ընկերութիւններ ընդունւած (նօրմալ) կանոնադրութեան համաձայն: Այդ տեսակ սպառողական ընկերութիւններ մատակարարում են իրանց անդամներին ըստ հնարաւորութեան էժան գներով անային անտեսական պիտոյքներ՝ որոնց համար կարող են սեփական պահեստներ ունենալ կամ կապալով վերցնել բնակարաններ. նրանք կարող են պայմանագրեր կապել, փոխառու-

թիւններ անել և այլն: Այդ ընկերութիւնների բոլոր գործերը վարում են անդամների ընդհանուր ժողովը և նրանցից ընտրւած վարչութիւնները: Ռուսաստանի սպառողական ընկերութիւնների ընդհանուր թիւը 1904 թ. յունւարի մէկին հասնում էր 930-ի, մի քանի հարիւր հազար անդամներով. նրանց տւած գումար արդիւնքը, հաւանականօրէն, հասնում էր տարեկան ոչ պակաս քան 2 միլիոն ուրբլու:

Վերջապէս, անհրաժեշտ է մի քանի խօսք ասել նաև գիւղատնտեսական ընկերութիւնների մասին, որոնք ուսումնասիրում են գիւղատնտեսութեան վերաբերեալ հարցեր, տարածում են ազգաբնակութեան մէջ գիւղատնտեսական գիտութիւններ և ապա իրանց պահեստներից ծախում են գիւղատնտեսների համար անհրաժեշտ պիտոյքներ: Այսպէս, գիւղատնտեսական ընկերութիւնները ևս զբաղւում են որոշ չափով կօօպերատիւ ձեռնարկութիւններով: Բայց գիւղատնտեսական ընկերութիւնները գոյութիւն ունեն ներկայումս չափազանց սահմանափակ թւով: Այսպէս, 1902 թ. ապրիլի 1-ին կային ընդամենը 529 գիւղատնտեսական ընկերութիւն իրանց բաժանմունքներով, որոնց անդամների թիւը հազիւ թէ հարիւր հազարից աւելի լինէր:

III

Մրանից մենք տեսնում ենք, որ մեզ մօտ շատ չնչին է կօօպերատիւ հիմնարկութիւնների թիւը, այնպէս որ նրանց մէջ չեն կարող մասնակցել ժողովրդական լայն մասսաները: Մեր հայրենիքի անսահման տարածութեան վրայ նրանց թիւը նոյն իսկ 3000-ի էլ չէ հասնում. բացի այդ՝ նրանց կէսը բացառապէս նւիրւած է փոխառութեան գործին: Բայց եթէ նայելու լինենք, ինչպէս են դասաւորւած այդ

կօօպերացիաները գիւղի և քաղաքի մէջ, մենք կը համոզենք, որ նրանց ժողովրդին մատուցած ծառայութիւնը պէտքէ համարել առաւել ևս աննշան: Արդարև, վերցնենք, օրինակի համար, դէթ սպառողական ընկերութիւնները. մենք կը տեսնենք, որ նրանց խոշոր մեծամասնութիւնը հիմնւած է քաղաքներում՝ և նրանցից օգտուում են համարեա բացառապէս քաղաքի բնակիչները՝ պաշտօնեաները, սպաները, երկաթուղու և գործարանների ծառայողները:

Գիւղական սպառողական ընկերութիւնները հազիւ կազմում են բոլոր սպառողական ընկերութիւնների նոյն իսկ քառորդ մասը: Չը պէտքէ կարծել, որ գործարանական ու երկաթուղային ձեռնարկները ծառայում են սոսկ աշխատաւոր մարդկանց շահերին: Ընդհակառակը, բանւորական յուզումների ժամանակ նկատւած է, որ բանւորական մասսան աւերում է նաև իր սպառողական խանութները: Եւ դա երբէք չէ կարելի բացատրել ամբօխի գիշատիչ հակումներով: Ո՛չ. բանւորները մեզ մօտ յաճախ գիտակցօրէն ատում են գործարաններին կից հիմնւած սպառողական ընկերութիւնները: Բանը նրանումն է, որ այդ սպառողական ընկերութիւնները շատ յաճախ հիմնւում են ո՛չ թէ բանւորների ցանկութեան համաձայն, այլ գործարանների վարչութիւնների կարգադրութեամբ: Այդ դէպքում ընկերութեան մէջ մըտնում են գլխաւորապէս զբաղնեակների ծառայողները, որոնք միշտ մեծ կախումն ունեն տեղական ղեկավարներից, վարպետները, որոնք մշտական թշնամական յարաբերութիւնների մէջ են բանւորների հետ, և մի քանի բանւորներ, որոնք նիւթապէս աւելի ապահով են ու աւելի հեզ: Շնորհիւ զրան, գործարանի վարչութիւնը ամբողջ գործն իր ձեռքն է առնում և վարւում իր ուզածի համեմատ: Նա յաճախ ստիպում է բանւորներին անպատճառ գնել անհրաժեշտ մթերքները գործարանի սպառողա-

կան ընկերութեան խանութից և տալիս է բարձր գներով վատ ապրանքներ: Պարզ է, որ այդ տեսակ պայմաններում սպառողական ընկերութիւնը ո՛չ միայն չէ թեթւացնում բանւորի դրութիւնը, այլ միայն առաւել ևս նրան ստրկացնում է գործարանատիրոջը: Ահա թէ ինչու մեր բանւորները այնքան յաճախ բացարձակ ատելութեամբ են վերաբերւում սպառողական ընկերութիւններին, մինչդեռ Արևմտեան Եւրօպայում նոյն սպառողական ընկերութիւնները հանդիսանում են ամբողջ բանւորական մասսայի պարծանքի առարակայ:

Ինչ վերաբերւում է գիւղատնտեսական ընկերութիւններին, զրանց կազմակերպումը սկսւած է գիւղերում միայն վերջին ժամանակները: Ներկայումս գործող գիւղատնտեսական ընկերութիւնների ահագին մեծամասնութիւնը բացւած է քաղաքներում, և նրանց մասնակցում է գլխաւորապէս տեղական ինտելիգենցիան: Գիւղացիութիւնն այդ ընկերութիւնների կեանքում համարեա չէ խղացել ո՛չ մի դեր: Ճիշտ է, որ գիւղացիութիւնը լայն չափերով օգտւել է գիւղատնտեսական ընկերութիւնների պահեստներից, նախադասելով տնտեսութեան համար անհրաժեշտ պիտոյքները գնել այդ տեղից, բայց այդ դէպքում գիւղացիները հանդիսանում են սոսկ հասարակ մուշտարիներ և ո՛չ կօօպերացիային մասնակցողներ, կօօպերատօրներ:

Մնում են հետևաբար փոխատու-խնայողական ու վարկի ընկերութիւնները, որոնք, իսկապէս, տիրաբար տարածում են իրանց գործունէութիւնը գիւղական ազգաբնակչութեան վրայ: Սակայն և այժմ դէպքում ապացուցւած է, որ վարկով, զոնէ փոխատու-խնայողական ընկերութիւններից, օգտւում են համարեա բացառապէս ուժեղ տնտեսութիւնները, միջին կարողութեան տէր գիւղացիները:

Այսպէս, ուրեմն, մեր կօօպերատիւ հիմնարկութիւնները իրանց 40 ամեայ գոյութեան ընթացքում խիստ թոյլ արմատներ են ձգել ժողովրդական մասսաների մէջ, համատեմբել են իրանց ձեռնարկների շուրջը չնչին քանակութեամբ գիւղացիներ ու բանւորներ: Եւ արգարև. եթէ Գերմանիայում իւրաքանչիւր տասնեակ գիւղատնտեսից մէկը մասնակցում է որևէ կօօպերացիայի, մեզանում, տայ Աստած, որ հարիւրից մէկը անդամ լինէր որևէ կօօպերատիւ հաստատութեան: Բացի այդ, պէտք է ի նկատի առնել և այն, որ մեր կօօպերատիւ ընկերութիւնները դասաւորւած են մեր հայրենիքի ամբողջ տարածութեան վրայ չափազանց անհաւասար կերպով. կան շրջաններ, եւրօպական ամբողջ պետութիւնների մեծութեամբ, որտեղ չեն հանդիպիլ մի հատիկ կօօպերատիւ հիմնարկութեան:

Սակայն մեզ մօտ կօօպերատիւ հիմնարկութիւնները ոչ միայն առհասարակ սակաւաթիւ են, այլ և այնտեղ, ուր նրանք գոյութիւն ունեն, գործում են ոչ բաւականաչափ տեղւոյնութեամբ և ուժեղ, և վերջ ի վերջոյ շատ յաճախ ոչ մի նշանակութիւն չունեն տեղական ազգաբնակչութեան համար: Վերցնենք, օրինակի համար, կրկին փոխատու-խնայողական ընկերութիւնները: Մեծ մասամբ դրանք այնքան աղքատ են դրամագլխով, որ ստիպւած են սահմանափակել իրանց գործը չափազանց նեղ շրջանով: Եւ, իրօք, միթէ՞ կարելի է շատ բան անել, երբ, օրինակ, Վիլնայի նահանգի իւրաքանչիւր բնակչի վրայ ընկնում է 7 կօպ. այն դրամագլուխներից, որոնք գտնւում են այդ նահանգի փոխատու-խնայողական ընկերութիւններէ ձեռքի տակ՝ ազգաբնակչութեանը պարտքով փող տալու համար. կամ եթէ Գրոդնօյի նահանգում ընկնում է 5 կօպ., իսկ Վիտեբսկի նահանգում միայն 3 կօպ.:

Նոյն խախուտ հիմունքների վրայ են դրւած մեր հայրենիքի նաև միւս կօօպերատիւ ձեռնարկները:

IV

Այն ինչ մեր ժողովրդի կեանքի մէջ վաղուց ի վեր գոյութիւն ունեն մի շարք հաստատութիւններ, որոնք կարող էին դիւրացնել կօօպերատիւ ձեռնարկութիւնների տարածելը ազգաբնակչութեան մէջ. դա՛ արտելն է և համայնքը:

Համայնական տիրապետութիւնը այն ձևով, որով նա այժմ գոյութիւն ունի, յաճախ հանդիսանում է գիւղացու համար մի մեծ բեռ, սակայն ուրիշ պայմաններում նոյն համայնական տիրապետութիւնը կարող էր մատուցանել գիւղացիութեանը մեծ ծառայութիւններ, ուղեկցել նրան կազմակերպելու իր հողի վրայ կօօպերատիւ ձեռնարկներ: Դրա մէջ կարելի է համոզւել, եթէ աչքի անցնելու լինենք ժամանակակից գիւղացիական համայնքի կեանքը:

Վերցնենք մի քանի օրինակ:

Այսպէս, մեր լայնածաւալ պետութեան համարեա ամեն մի գաւառում դուք կը գտնէք դէպքեր, որ խոտհարքը կատարում է ամբողջ գիւղական համայնքը. նա է հնձում ու հաւաքում խոտը, իսկ երբ խոտը չորանում է, բաժանում է իր անդամների մէջ. այսինքն՝ խոտհարքը կատարում է կօօպերատիւ ձևով: Մի քանի գաւառներում, ինչպէս, օրինակ, Կազանի նահանգի Տետիւշսկի գաւառում կամ Օրլօվի նահանգի Ելեցկի գաւառում այդ ձևի խոտհարքը տեղի ունի համայնքների մեծ մասում: Իսկ Վօլգայի պարարտ մարզերի այդ ձևի խոտհարքը ներկայացնում է ուղղակի մի զարմանալի տեսարան:

«Ամեն տարի խոտհարքի միջոցին—պատմում է մի ականատես—հաւաքւում են Վօլգայի մարզերում հարիւրա-

ւոր գիւղերի բնակիչներ, հազարաւոր հնձւորներ, բաժանւելով մի գիւղական համայնքնի պատկանող խմբերի, տեղաւորուում են իրանց հողաբաժինների սահմաններում: Սկսում է մարգագետինների բաժանումը:

Քանի մարգագետինները բաժանւում են հետգհետէ աւելի ու աւելի մանր միտորակ մասերի, հազարաւոր հնձւորներն էլ բաժանւում են աւելի ու աւելի փոքր խմբերի ու խմբակների՝ «հարիւրակների», «տասնեակների», «հինգեակների», «քառեակների»: Ապա վիճակ են ձգում ու վիճակի համեմատ էլ խմբերը ցրւում են ու բռնում իրենց ընկած տեղերը:

Շաչում են արտելի մանգաղները, և լայնատարած ու կանաչ խոտառատ դաշտերի տեղ աշնանը ձգւում են խոտի դէզերի անվերջ շարքերը: Ուշ աշնանը, համարեա թէ ձմեռը, մարդերում կրկին տիրում է կենդանութիւն-խոտի դէզերից կազմում են խուրձեր— և նորից սովորական վիճակը, ընդհանուր աշխատանքի արդիւնքը՝ ըստ շնչի, մշակի, ծուխի»:

Յայտնի է, որ շատ տեղերում կան համայնական ջրբաղանջներ: Միջին Ռուսաստանի մի բանի գաւառներում այդպիսի ջրաղանջների թիւը իւրաքանչիւր գաւառում հասնում է 20-ի:

Անկարելի է չը յիշել նաև, որ շատ տեղերում անտառը կտրւում են վարելահողի համար նոյնպէս ամբողջ համայնքի աշխատանքով: Նկատւած են ոչ սակաւ դէպքեր, երբ համայնականների կօօպերատիւ աշխատանքով բարւոքւած են մարդերը և վարելահողերը: Այսպէս, օրինակ, Ենիսէյսկի նահանգում և Զաբայկալսկի շրջանում մի քանի տեղեր համայնականները իրանց վարելահողերի համար ջուր են անցկացրել առուներով հեռաւոր աղբիւրներից:

Բոլոր այստեղ առաջ բերւած օրինակները ցոյց են տալիս, որ համայնական տիրապետութիւնը բարեպատեհ

պայմաններում նպաստում է կօօպերատիւ ձեռնարկներին ու կօօպերատիւ անտեսութեանը: Իսկ չէ որ մեզանում 65 միլլիօն հոգուց աւել մարդիկ տիրում են հողին համայնական իրաւասութեան հիման վրայ, և դրանց պատկանում է 100 միլլիօն դեսետինից աւել հող: Բայց բանը նրանումն է, որ համայնական տիրապետութիւնը կարող է նպաստել կօօպերատիւ անտեսութեանը միմիայն որոշ պայմաններում:

Ռուսական կեանքը ստեղծել է մի ուրիշ հաստատութիւն, որ կարող էր նպաստել կօօպերացիայի զարգանալուն ժողովրդի մէջ. դա՛ արտելն է: Արտելը ինքն ըստ ինքեան ներկայացնում է կօօպերացիա, միայն թէ մեծ մասամբ ժամանակաւոր ու նւազ չափով կատարելագործւած: Մեր գիւղացիութեան ու բանւորութեան մէջ կան բազմաթիւ զանազան տեսակ արտելներ: Արտելներ կազմակերպւում են, որպէսզի նրա անդամները չիջեցնեն մէկը միւսի աշխատավարձը: Շագրինսկի գաւառի գիւղախմբերից մէկում (Վոլոստ), օրինակ, կան խոզանակագործներ, որոնք պատրաստում են խոզանակներ պատւիրատուների տւած նիւթից: Երբ հասնում է աշխատանքի գնալու ժամանակը, նրանք բաժանւում են 10—20 հոգուց բաղկացած խմբերի, և ամեն մի խումբ գնում է իր շրջանը. այստեղ խումբը նորից բաժանւում է առանձին դոյզերի և ապա իւրաքանչիւր զոյգ գնում է աշխատանք ճարելու այն գիւղը, որը նրա համար նշանակւած է: Այսպիսով խոզանակագործները չեն խանգարում իրար և չեն պակասեցնում աշխատանքի գները: Երբեմն, ինչպէս, օրինակի համար, Պոնոմարեով գիւղում և չորս ուրիշ հարևան գիւղերում (Եարօպլաւսկի նահանգ), որոնք զբաղւած են ապրանքների համար արկղներ պատրաստելով, պատուէրները ընդունում են ու ապա հաւասար բաժանուս այդ գործով պարագոյների մէջ գիւղական ժողովները:

Յաճախ արտելները կազմակերպւում են ձեռք բերելու միանւագ մեծ քանակութեամբ նիւթեր, որոնք անհրաժեշտ են այս կամ այն արհեստի համար Անհ—թէ ինչպէս են նկարագրում, օրինակ, Ուտեսովկի գիւղի (Միմբիրսկի նահանգ) տակառագործի արտելը*):

«Ուտեսովկի գիւղի տակառագործների իւրաքանչիւր արտելը բաղկացած է լինում 80—90 հոգուց. ամեն տարի կազմւում են մի քանի արտելներ: Ընկերութեան իւրաքանչիւր անդամը մտցնում է արտելի գրամարկը 200 ռուբ., իսկ ո՛վ չունի այդչափ միջոցներ, նա ծառայութեան է մտնում հարուստ տակառագործի մօտ 70—100 ռուբլի վարձատրութեամբ 10 ամսույ աշխատանքի համար, բացի այդ գործատէրը տալիս է նրա ապրուստը և նիւթի համար անհրաժեշտ գումար: Այս ձևով ժողովւում է 16—18 հագարի չափ մի գրամագլուխ, որը և արտելը գործադրում է տախտակներ գնելու համար. այդ նպատակով նրա հաւատարմատարները ճանապարհւում են կազանի կամ Վեատկայի սահանգը և այնտեղ առնում են 150 կամ ավել զեսեսատին անտառաբաժիններ: Անտառը ձեռք բերելուց յետոյ, արտելը չէ դադարում իր գոյութիւնը պահպանելուց: Փոխանակ ձեռք բերած անտառը բաժանելու իր անդամների մէջ. արտելը ամբողջ կազմով գնում է փայտ կտրելու պատրաստութիւնները տեսնելու, վարձում է բնակարան, հոգում է ընդհանուր ճաշի մասին, ընտրելով անտեսութիւնը վարելու համար անտեսներ: Անտառը կտրում են ու տախտակներ պատրաստում: Տակառագործներին պէտք են միայն կահնու ծառերը, որոքն լինում են ամեն մի զեսեսատինի վրայ մօտ 30—50 հատ. արտելը կտրում է կահնու ծառերը, իսկ մնացած ծառերը ծախում է էժան գներով տեղական գիւղացիներ-

րին: Ծախու են հանւում նաև կահնու ծառից պատրաստւած տախտակներից վատ տեսակները, թողնելով իւրաքանչիւր տակառագործին մօտաւորապէս 400 հատ կիսատակառի համար անհրաժեշտ քանակութեամբ տախտակներ լաւ տեսակից. այդ տախտակները բեռնում են յատուկ այդ նպատակի համար գնւած նաւերի վրայ ու ապա ուղարկում Վոլգայի ափերին գտնուող քաղաքները՝ Սամարա, Սարատով, Խվալինսկ և այլն, որտեղ իրանք տակառագործներն էլ մնում են աշխատելու համար»:

Ի հարկէ, այսպիսի խոշոր արտելական ձեռնարկներ մեզ մօտ հազւագիւտ են. բայց մանր արտելներ համարեա կարելի է տեսնել ամեն մի գիւղում: Այստեղ կան ատաղձագործների, որմնագիրների ու հող պեղողների արտելներ, որոնք միասին որոնում են աշխատանք գրսում և միասին էլ կատարում գործը: Այստեղ կան քարհատների, կպրագործների ու ձկնորսների արտելներ, որոնք հէնց իրենց տեղում ձեռնամուխ են լինում փոքր ի շատէ խոշոր գործի, որը և միահամուռ ոյժերով վերջացնում են: Այստեղ կան դարբինների, կաւագործների ու ջուլհակների արտելներ. սրանք ընդհանուր ջանքերով վարձում կամ շինում են այն առանձնայատուկ բնակարանները, որոնք անհրաժեշտ են լինում իրանց արհեստի համար:

Կարելի էր զեռ էլի օրինակներ բերել ուրիշ շատ ամենտեսակի արտելների, որոնք ապացուցանում են մեր ժողովրդի աշխատակցութեան, կօօպերացիայի մեծ ընդունակութիւնը: Այնուամենայնիւ արտելը չը կարողացաւ ըստեղծել այնպիսի լայնածաւալ ու զօրեղ կօօպերատիւ շարժում, որպիսին բռնկել է Արևմտեան Եւրոպայի քաղաքակիրթ պետութիւնների ժողովրդական մասսաները և որը տալիս է նրանց այնքան ոյժ ու մեծ բարիքներ: Արտելը մնում է մի տեղական, փոքրիկ ձեռնարկ, որին ձեռնամուխ են լինում կարճ ժամանակէջ համար և որն իս-

*) В. В. «Артельные начинанія русскаго общества».

կոյն և եթ քայքայուում է, հէնց որ վերանում է նրան ծնունդ տուող անխուսափելի պահանջը: Ահա հէնց դրանումն է արտելի թոյլ կողմը, և նա այդպիսով անընդունակ է ստեղծելու գորեղ կօօպերատիւ շարժում:

ԸՆԴՀԱՆՈՒՐ ԵԶՐԱԿԱՅՈՒԹԻՒՆՆԵՐ

I

Եւ այսպէս այժմ մենք գիտենք, որ ոուս ժողովուրդը անտարակոյս հակաժ է դէպի կօօպերացիան, որ ոուս հասարակութեան լաւագոյն մասը ջանքեր է գործ դրել, որպէսզի ծանօթացնի ժողովուրդը, թէ ինչ հիմունքների վրայ են դրւած կօօպերատիւ ձեռնարկները լուսաւորւած երկիրներում, ինչ տեսակ ընկերութիւններ են դրա համար կազմակերպուում. և չը նայած այդ բոլորին, դրանից ոչինչ դուրս չեկաւ: Ինչո՞ւ: Ահա մի հարց, որին այժմ մենք կաշխատենք տալ կարճ պատասխան:

Ամենից առաջ կօօպերացիան կասաւոր հիմնարկութիւն է և ոչ թէ պարտադիր: Կօօպերատիւ գործ սկսելու համար մարդիկ համախմբուում են առանց որեւէ մէկի հարկադրութեան, այլ սոսկ գիտակցելով ձեռնարկի օգուտը, որին նրանք ձեռնամուկ են լինում և կամենում են ծառայել: Բոլոր մասնակցողները, ուրեմն պէտք է օժտւած լինեն մրահաւասար հասարակական իրաւունքներով: Հակառակ դէպքում, եթէ մի այդպիսի յօժար կամքով սկսւած ընկերական գործի մէջ մտնում է մի մարդ, որն ունի աւելի մեծ իրաւունքներ, քան միւս անդամները, նա, անշուշտ, իր իշխանութեան կ'ենթարկի բոլոր մնացեալ անդամներին: Մարդիկ, կը դադարեն այդ ձեռնարկը իրենց գործը համարել. նրանք հետզհետէ սկսում են սառն վերաբեր-

ւել, և գործն ընկնում է: Ահա թէ ինչու մի քանի գիւղատնտեսական կօմիտէներ բոլորովին արդարացի կերպով նկատել էին, որ կօօպերացիան չէ կարող զարգանալ սեր գիւղում, սինչեւ որ գիւղացիութեան իրաւունքները չը հաւասարուեն միւս դասերի իրաւունքներին:

Այդ միջոցը հանդիսանում է առաւել ևս անհրաժեշտ, որովհետեւ ժամանակակից գիւղացիութեան դրութիւնը զրկում է նրան ամեն ինքնուրոյնութիւնից ոչ միայն հասարակական, այլ և նոյնիսկ իր անձնական գործերում, չէ թողնում նրան արտայայտելու իր նախաձեռնութիւնը, չէ սովորեցնում նրան, որ նա ինքը հոգայ իր մասին: Մեր գիւղատնտեսական կօմիտէները խիստ սուր կերպով են արտայայտել իրենց կարծիքը այդ մասին. «Գիւղացիութեան ինքնագործունէութիւնն ու նախաձեռնութիւնն արտայայտելու համար ասպարէզ չկայ, — գրում էր, օրինակ, գիւղացի Վօլկօվը իր գեկուցման մէջ, որը ներկայացրել էր Կուրսկի նահանգի Սուշայի գաւառական կօմիտէին. գիւղացիները նոյնիսկ իրանց գուտ գիւղական գործերը կամ անձնական ստացւածքը կարգաւորելու, և կամ իրանց հողաբաժիններից օգտւելու մէջ ձեռք ու ոտքով կապւած են իշխանութեան խնամատարութեամբ. գիւղացու բարոյականութեան մասին անգամ հոգ են տանում պաշտօնական անձինք. էլ չենք ասում այնպիսի երևոյթների մասին ինչպէս՝ ընտանիքների բաժանումն է, ընտանիքի անդամների անից հեռանալը, որոնք արդէն իսկ ենթակայ են հսկողութեան: Այսպիսի պայմաններում հիմք չկայ կարծելու, որ գիւղացու անհատականութիւնը կարող է ազատ զարգանալ, որ միևնոյն ժամանակ կաճի նաև նրա տնտեսական գործունէութիւնը... գիւղը գտնւում է կատարեալ աղքատութեան ու քայքայման — ճանապարհի վրա, իսկ նրա լաւագոյն ոյժերը փախուստ են տալիս գիւղից»: «Միթէ կարող է լինել որևէ խթան ինքնուրոյն գործու-

նէութեան համար—առած է Վեատկայի նահանգի գործերի մէջ, — եթէ գիւղացին, թէպէտն, գուցէ, ոչ բոլորովին պարզօրէն է գիտակցում, բայց և այնպէս զգում է, որ ինքը գտնուում է փոքրիկ տնաս երեխայի դերի մէջ, որի համարեա իւրաքանչիւր քայլը ենթարկւած է բազմաթիւ մեծաւորների հսկողութեանը»: «Պարոնայք, բացականշում էր խարկօվցի կալւածատէր Գրիշենկօն, զրէք ձեզ մի ըստէ գիւղացու զրութեան մէջ. երևակայեցէք ձեզ, որ դուք ենթակայ էք, ասենք հէնց ձեր սեփական օգտի համար, նոյն խնամակալութեան, որին և գիւղացիներն են ենթարկւած, երևակայեցէք, որ ձեր իւրաքանչիւր քայլը ձեր անձնական կեանքի մէջ, որպէսզի օրինաւոր համարւի, անպատճառ պիտի արժանանայ որևէ իշխանաւորի բարեհայեցողութեանը, երևակայեցէք այդ ամենը, և դուք, անշուշտ, սառսուռ կը զգաք»...

Կարելի էր առաջ բերել դեռ շատ այս տեսակ կարծիքներ այնպիսի մարդկանց, որոնց ամբողջ կեանքը անց է կենում գիւղացիութեան մէջ կամ գիւղացիութեան հետ: Նրանք ամենքը միաբերան կրկնում են, որ ժողովրդի մէջ չէ կարող լինել ինքնուրոյն գործունէութիւն, չէ կարող ժողովրդի մէջ զարգանալ հասարակական գործի նախաձեռնութեան ոգին, քանի որ գիւղում իշխում են այնպիսի կարգեր, որոնց ներկայումսնա ենթակայ է: Իսկ չէ որ կօօպերացիայի զարգացման համար ամենից առաջ կարևոր է, որ ինքն ազգաբնակչութիւնը լինի բաւականաչափ ինքնուրոյն ու նախաձեռնող: Ամեն մի կօօպերատիւ ձեռնարկ այսպէս թէ այնպէս շօշափում է տեղական ունեւոր մարդկանց շահերը: Եթէ, օրինակ, բացւում է մի սպառողական խանութ, նրա մասնակցողների դէմ, մանաւանդ նրա նախաձեռնողների դէմ ոտքի են կանգնում բոլոր տեղական մանրավաճառները, որոնց գործերի յաջող ընթացքի մէջ յաճախ շահագրգռւած է և տեղական իշխանու-

թիւնը: Վարկի ընկերութեան դէմ աղմուկ կը բարձրացնեն վաշխառուները: Այս կամ այն արտադրողական ընկերութիւնը յաճախ կարող է գործարանների ու արհեստանոցների տէրերին կամ վաշխառուներին դուր չը գալ: Իսկ չէ որ զրանք ամենքն այնպիսի մարդիկ են, որոնք ունեն և կապիտալ, և ազդեցութիւն. զրանց համար շատ դիւրին է ամեն հալածանքի ենթարկել նրանց, ովքեր ձեռնամուխ են լինում մտցնել ժողովրդական մասսաների մէջ կօօպերատիւ ձեռնարկներ. շատ հեշտ է վախեցնել տգէտ ազգաբնակչութիւնը, հեշտ է ամեն տեսակ անհեթեթ լուրեր ու առասպելներ տարածել կօօպերացիային մասնակցողների մասին: Այսպէս ուրեմն, կօօպերացիան կարիք ունի այնպիսի մարդկանց, որոնք ինքնուրոյն են ու նախաձեռնող, իսկ ժամանակակից ուսական կեսնփի կարգերը հիմնովին հակառակ են այդ տեսակ մարդկանց: Անո՞ք թէ ինչու մեր ժողովրդի մէջ այնքան քիչ են ինքնուրոյն ու նախաձեռնող մարդիկ: Անո՞ք թէ ինչու կօօպերացեան համարեա ոչ մի նշանակութիւն չունի մեր ժողովրդի կեանքի մէջ:

Իժւարին է մեր պայմաններում ձեռնամուխ լինել կօօպերատիւ գործին, զժւարին է նայել նրա շարունակելը ոչ միայն այն պատճառով, որ գիւղացիութիւնն իր իրաւասութեան մէջ չէ հաւատարւած միւս զասերի հետ, այլ և նրա համար, որ մեզանում ներկայումս առհասարակ չը կան համապատասխան պայմաններ լայն հասարակական գործունէութեան համար: Կօօպերատիւ գործի, ինչպէս և իւրաքանչիւր հասարակական ձեռնարկի յօշոդութեան համար պահանջում է ժողովներ, խօսքի ու մամուլի ազատութիւն: Միմիայն այդ պայմաններում կարող է կօօպերացիան ծաղկել: Արդարև. ինչպէս կարող է զարգանալ կօօպերացիան, երբ նրա անդամներին ամեն ընդհանրապէս կարող են ցրել իրանց ժողովից, երբ նրանց ընկերութիւ-

Նը ամեն օր կարող է փակել տեղական իշխանութեան քմահաճոյքով: Ինչպէս կարող է կօօպերացիան յաջողութիւն ունենալ, երբ նրա ամեն մի նոր բաժանմունքը քացելիս ստիպւած ես հազար ու մի նեղութիւն քաշել, որպէսզի թոյլտուութիւն ձեռք բերես զանազան խոշոր պաշտօնեաներից, որոնք յաճախ սպրում են հարիւրաւոր և հազարաւոր վերստ հեռու. երբ համարեա ամենափոքրիկ հնարաւորութիւն անգամ չկայ ազատ խօսելու ազգաբնակութեան հետ կօօպերացիայի օգտի ու նշանակութեան մասին. երբ մամուլին արգելւած է արծարծել մի շարք ամենակարևոր հարցեր. երբ համապատասխան գրքերն ու բրօշուրները, որոնք ընկնում են զիւզը կամ գործարանը, ոստիկանութիւնն անմիջապէս խլում է...

Բայց դեռ դա էլ քիչ է: Մենք տեսանք, թէ որչափ չնչին զբամազուխներ ունեն իրանց տրամադրութեան տակ մեր կօօպերատիւ ձեռնակները: Իրերի այդ դրութիւնը բացատրւում է նրանով, որ ժողովրդական փողերը, որոնք գոյանում են հարկերից ու տուրքերից, մեր բիւրօլրատները գործադրում են աջակցելու համար խոշոր ձեռնարկներին՝ մեծ բանկերին, խոշոր գործարաններին կամ թանգ նստող երկաթուղու ճանապարհներին, իսկ մանր արդիւնաբերութիւնը, մանր հասարակական ձեռնարկները մեծ մասամբ գուրկ են այդ աջակցութիւնից: Եւ դա հասկանալի է: Կառավարութիւնը գտնւում է չինովիկների ձեռքին, որոնք վաղուց արդէն կըտորւել են կենդանի կեանքից, վաղուց կորցրել են ժողովրդի իսկական շահերն ըմբռնելու ընդունակութիւնը... Համարեա նոյն բանը պէտք է կրկնել մեր գեմստիօներին ու քաղաքային ինքնավարութիւնների վերաբերմամբ, որոնց, ղեկավարները, ճիշտ է, հանդիսանում են ազգաբնակութիւնից ընտրւած ձայնաւորները, բայց այդ ընտրութիւնները գտնւում են այնքան անկանոն պայ-

մաններում, որ ժողովրդի իսկական ներկայացուցիչները համարեա թէ բոլորովին չեն ընկնում այդ հիմնարկութիւնների մէջ: Հէնց այդ պատճառով էլ ոչ բիւրօլրատիան, ոչ էլ ժամանակակից քաղաքային ինքնավարութիւնները և զեմստիօյական հիմնարկութիւնները հոգ չեն տանում ինչպէս հարկն է կօօպերացիայի կարիքների մասին, գործ չեն դնում իրական ջանքեր ծաղկեցնելու կօօպերացիան: Ուրեմն, որպէսզի կօօպերատիւ գործը ուղիղ ճանապարհի վրայ դրւած լինի, անհրաժեշտ է, որ կառավարութիւնը և տեղական հաստատութիւնները դրւեն ժողովրդից ընտրւած իսկական ներկայացուցիչների ղեկավարութեան ներքոյ: Իսկ այդ տեսակ ներկայացուցիչներ, որոնք ծանօթ են ժողովրդի իսկական կարիքներին ընդունակ են պաշտպանելու նրա շահերը, կը լինին միայն այն ժամանակ, երբ ընտրութիւնները կը կատարւեն ընդհանուր, ուղղակի, հաւասար եւ գաղտնի ձայնասուրբեամբ: Եւ միայն այդ պայմաններում կարող է նաև իսկապէս ապահովւած լինել և ժողովների, խօսքի մամուլի ազատութիւնը, առանց որի, ինչպէս մենք տեսանք, չի կարող գոյութիւն ունենալ և կօօպերացիան:

Վերջապէս ժողովրդի sqhsութիւնը ևս հանդիսանում է մի անանցանելի խոչընդոտ կօօպերացիայի համար: Եւ յիշուի, միայն զբազէտ ազգաբնակութեան մէջ կարող են արագ տարածւել կանոնաւոր հայեացքներ կօօպերատիւ գործի վրայ, միայն լրագիրների, գրքերի ու բրօշուրների օգնութեամբ կարելի է գրաւել կօօպերատիւ ձեռնարկների նոր կողմնակիցներ:

Անգրագէտ ազգաբնակութիւնը ոչ միայն չէ կարող ինչպէս հարկն է ծանօթանալ կօօպերատիւ գործի հետ, այլ և անկարող կը լինի գործին ձեռնարկել ու ապա վարել այն փոքր ի շատէ կանոնաւոր կերպով: Այս կէտի վերաբերմամբ հիմնովին համաձայն են մեր ժողովրդի մէջ

եղած կօօպերատիւ ձեռնարկների բոլոր հետազօտողները: «Արտելական գործի գլխավոր խոչընդոտը—ասում է պ. Պրօկօվիչը—կրթւած մարդկանց պակասութիւնն էր գիւղում, որը դժարացնում էր ձեռնարկի կանոնաւոր, ընկերական հիմունքների վրայ դնելը, հաշւապահութիւնը, վերահսկողութիւնը և այլն»... «Վերեջչագինի պանրագործական արտելներում, ասում է նոյն հեղինակը մի ուրիշ տեղում, —գրագէտ անձանց պակասութիւնն էր, որ հանդիսացաւ արտելական գործի անաջողութեան խոչոր պատճառներից մէկը. չը կային մարդիկ, որոնք կարող լինէին վարել արտելի հաշւետւթիւնը և հսկել աւագների գործողութիւններին: Պրօֆ. Օզերովը նոյն կերպով է բացատրում սպառողական ընկերութիւնների անբաւարար զարգացումը մեզ մօտ: «Իրա պատճառները շատ են, գրբում է նա, սակայն գրանցից գլխավորը՝ մեր բանւորական ու գիւղացիական մասնայի զարգացման ստոր մակերևոյթն է, նրա համարեա թէ լիակատար անգրագիտութիւնն է: Իրանք գիւղացիները և բանւորները սեփական ոյժերով միայն խիստ սակաւ ղէպքերում կարող են հիմնել սպառողական ընկերութիւններ»...»

Իժևար է երևակայել, թէ որպիսի անսպասելի խոչընդոտների ես հանդիպում, երբ նոր հայեացքների քարոզով դիմում ես ազգաբնակչութեանը, որը գուրկ է կանոնաւոր դպրոցի, լաւ լրագրի կամ գրքի ազդեցութիւնից: Հետևեալ օրինակը ցոյց է տալիս, որ այն պայմաններում, որոնց մէջ ապրում է այժմ մեր գիւղը, ոչ միայն կօօպերատիւ հաստատութիւնների կազմակերպումը, այլ և սոսկ տեղեկութիւններ նրանց մասին տարածելը կարող է տեղիք տալ չափազանց սխալ ու անհետեւ մեկնութիւնների... Ահա թէ ինչ էր գրել «Русск. Вѣд.» օրաթերթի թղթակիցը Պօլօլի նահանգի Ուզլիցկի գաւառից.

«Ներկայ տարւայ սկզբում գաւառիս կալւածատէրե-

րից մէկը, նախկին հաշտարար-միջնորդ Պ. Շչ. միաք է յղանում իր գիւղի գիւղացիների մէջ կազմելու վարկի ընկերութիւն, խնդրելով պետական բանկից փոխառութիւն հիմնական զբամաղլիի համար: Գիւղացիներին այդ նոր գործի հետ ծանօթացնելու նպատակով պ. Շչ. բաժանում է նրանց վարկի ընկերութեան տւած կանոնադրութիւնից մի բանի օրինակ, որ ինքը ստացած է լինում պետական բանկի տեղական բաժանմունքից: Այս աննշան ղէպքը, ապա և ժողովրդի մէջ վարկի ընկերութիւնների տպած կանոնադրութիւնների տարածելը, որոնց մէջ սուլած է, թէ պետական բանկը տալիս է այդ ընկերութիւններին պարտքով փող, —հիմք է դնում ինքնուրոյն շարժման: Գիւղացիների մէջ լուր է տարածում, թէ գտնւած է մինչև այժմ գաղտնի պահւած մի օրէնք, որի նամաձայն իւրաքանչիւր գիւղական հասարակութիւն, որ հիմնում է վարկի ընկերութիւն, ստանում է արքունիքից նիւթական նպաստ իր տնտեսութիւնը վարելու համար: Մի քանի ուրիշ գիւղերում երևան են եկել դեռ աւելի ևս անհաւատալի պատմութիւններ: Գիւղական իշխանութեան վերաբերմունքը ղէպի նոր շարժումը առայժմ արտայատել է նրանով, որ հաշտարար միջնորդները արգելեցին վսլօստի վարչութիւններին հաստատելու գիւղացիների ստորագրութիւնները կանոնադրութիւնների և խնդիրների վրայ, որ տրւում էին ընկերութիւններ հիմնելու թոյլտւութիւն ստանալու համար. այդ հանգամանքից ղրդւած գիւղացիները սկսեցին այդ դօկումենտները հաստատելու համար դիմել նօտարներին, մի բան, որ պահանջում է ծախսեր և ժամանակի աւելորդ վատնումն: Այդ հանգամանքի ազդեցութեան՝ տակ թագըրած օրէնքի մասին տարածւած առասպելը ստանում է գիւղացիների աչքում իրական նըշանակութիւն... ներկայումս բոլոր փորձերը՝ համոզել գիւղացիներին ղազարեցնել նոր ընկերութիւններ կազմե-

լը ու սպասել տրւած խնդիրները պատասխանն ստանալուն՝ իրանց նպատակին չեն հասնում, և նրանք շարունակում են կազմել նորանոր ընկերութիւններ, ներկայացնելով խնդիրներ պետական բանկից փոխառութիւն ըստանալու համար»...

Միթէ հնարաւոր է այսպիսի պայմաններում ստեղծել ժողովրդի մէջ կանոնաւոր հայեացք կօօպերացիայի վրայ, և միթէ արդարացի չենք մենք, երբ պնդում ենք, որ կօօպերացիայի աշողութեան համար անհրաժեշտ է ընդհանուր կրթութիւն, խօսքի, մամուլի, ժողովների ազատութիւն: Միայն այդ դէպքում նոր հայեացքները կը հեղեղեն գօրեղ հոսանքով ժողովրդական մասսաները, միայն այդ ժամանակ կը լուսաւորւի մեր խաւար ժողովրդի միտքը, նա ընդունակ կը լինի զանազանել իր խկական բարեկամներին թշնամիներէից, նա կը հասկանայ, թէ ո՞ւմ պիտի հաւատայ, ո՞ւմից օգնութիւն սպասել, ո՞ւմ դիմել խորհուրդ հարցնելու: Քսկ մինչև այդ օրը պէտք է դէն դնել ամեն մի յոյս, թէ ժողովուրդը կարող է գնահատել կօօպերատիւ գործը, ընդունակ կը լինի նրան ձեռնամուխ լինել, ինչպէս հարկն է, և ազատել վաշխառուների, միջնորդների և զանազան նախաձեռնողների իշխանութիւնից, որոնք ապրում են նրա աշխատանքով և քայքայում նրա տնտեսութիւնը:

II

Սակայն նոյնիսկ այն կօօպերատիւ ձեռնարկները, որոնք մենք այստեղ աչքի առաջ ունէինք, այսինքն՝ արտեսական կօօպերացիաները, ո՛չ միայն բարձրացնում են ժողովրդի բարօրութիւնը, այլ և ներմուծում են բանւորների և գիւղացիների կեանքի մէջ շատ նոր սովորու-

թիւններ և յատկութիւններ, որոնք անհաժեշտ են մօտիկ սպագայում աւելի լաւ կեանք ստեղծելու համար:

Այսպէս, բոլոր նոյնանման կօօպերատիւ հաստատութիւնները սովորեցնում են ժողովրդական մասսաները ընդհանուր գործունէութեան, ցոյց են տալիս, թէ ինչպէս պէտք է ընդհանուր ջանքերով հասնել ընդհանուր նպատակների, հնարաւորութիւն են տալիս պարզ գգալու, որ պէտք է կուել՝ «ամենքը մէկի համար, մէկը ամենքի համար»: Մի խօսքով, նոյն իսկ տնտեսական կօօպերացիան հանդիսանում է լաւ դպրոց, որտեղ ժողովրդական մասսաները ընտելանում են կանոնաւոր հասարակական գործունէութեան:

Այդ կողմից գնահատելի են մանաւանդ սպառողական խանութները: Այս հիմնարկութիւնների հետ շփուում են զլխաւորապէս կանայք, իբրև տանտիրուհիներ:

Կիր, հետևաբար, սպառողական խանութների միջոցով հնարաւորութիւն է ստանում անմիջապէս մանել մի հասարակական գործի մէջ այն ժամանակ, երբ հասարակական կեանքի միւս ասպարէզներում նրան յաջողում է իրագործել այդ անհամեմատ աւելի քիչ չափով:

Բացի այդ, իրանց պարբերական մամուլի միջոցով և իրանց ընդհանուր ժողովներում, ուր տեղի են ունենում այնքան յաճախ տաք վիճաբանութիւններ, աշխատաւոր գիւղացիական մասսաները ծանօթանում են բազմաթիւ գործնական հարցերի հետ, որոնց պարզելը ամեն մէկին անհրաժեշտ է հէնց նրա համար, որպէսզի կարողանայ հասկանալ շրջապատող կեանքը:

Քննելով իրանց խանութները և արհեստանոցները եկող ապրանքների առաւելութիւններն ու պակասութիւնները, նրանք ակամայ հասու են լինում աշխատանքի պայմաններին, որոնց մէջ գտնւում են այդ ապրանքները արտադրող բանւորները, հաշի են առնում գործա-

բանատէրերի ստացած արդիւնքը, հետամուտ են լինում այն տեղերին, ուր աւելի լաւ են պատրաստուում ապրանքները, որոշում են տեղական բնակիչներին ճաշակին ու կարիքները և այլն, մի խօսքով, կօօպերատիւ ձեռնարկը ակամայ ստիպում է մտածել շատ այնպիսի բաների մասին, որոնց վրայ գիւղացին կամ բանւորը առանձնապէս ուշադրութիւն չէին դարձնիլ:

Իսկ գիտակցօրէն վերաբերել իր կօօպերացիային՝ ստիպւած է ամեն մի անգամ հէնց նրա համար, որ քանի երկար է ապրում կօօպերացիան, այնքան էլ շատ է ենթարկում անդամներին իր պահանջներին, այնքան էլ աւելի խիստ է հետամուտ լինում, որ նրա բոլոր հրահանգները ճշտօրէն իրագործւեն: Սկզբում կօօպերացիան չոգ է տանում սոսկ այն բանի մասին, որ ընթերցանութեամբ, գործնական փորձերով, տարածելով համապատասխան գրքեր ու բրօշուրներ, նրա բոլոր անդամները ծանօթանան տնտեսութեան այն ձևերի հետ, որոնք հաճելի են կօօպերացիային: Բայց հետո՞հետէ կօօպերացիան դադարում է միայն խորհուրդներ տալուց և սկսում է որոշ տնտեսական պահանջներ դնել, նա, օրինակի համար, ցոյց է տալիս, ինչպէս այդ տեղի է ունենում Գանիայում, ինչպիսի ձուեր պիտի ծախու հանել և ինչպիսի իւր պիտի պատրաստել: Այն անդամները, որոնք հրաժարւում են ենթարկւելու այդ ընդհանուր հրահանգներին, ստիպւած են կամ հեռանալ կօօպերացիայից կամ պատիժ կրել, առկանք տալով: Բայց կօօպերացիան այժմ արդէն հանդիսանում է մի ոյժ. նա չափազանց մեծ շահեր է բերում իւրաքանչիւր տնտեսին, որպէսզի նա համաձայնի թեթևամտօրէն խզել իր կապերը կօօպերացիայի հետ, որի հաւասար իրաւասու անդամն է ինքը, ինչպէս և մնացեալները. չէ՛ որ կօօպերացիայի հրահանգները մըշակւում են ընդհանուր ժողովներում, ուր նա հնարաւո-

րութիւն ունի համոզելու իր ընկերներին այս կամ այն պահանջի օգուտի կամ վնասի մէջ:

Բայց դա էլ բաւական չէ: Կօօպերացիան ձգտում է ոչ թէ լոկ առանձին հրահանգներ տալու տնտեսութեանը այս կամ այն ասպարէզում, այլ յաճախ իր համար նպատակ է դնում ենթարկելու իր հրահանգներին տնտեսութիւնը ամբողջապէս, որպէսզի առանձին մանր տնտեսութիւնների փոխարէն ստեղծի մի խոշորը, որը կարող է ներմուծել գիտութեան պահանջած բարւոքումները և կատարելագործութիւնները: Այդ տեսակէտից ուշադրութեան արժանի է Գերմանիայի գինեգործների օրինակը: Ընդամենը մի քանի տարի առաջ հարաւային Գերմանիայի խաղողի այգեպանները ընկել էին սոսկալի թշւառութեան մէջ: Նրանք դրամագլուխ չունէին, որպէսզի կարողանային իրանք գինեգործութեամբ պարսպեն, ուստի և հարկադրւած էին ծախելու իրանց խաղողը, հէնց որ նա հասնում էր՝ ամենաէժան գներով: Ժողովուրդը խիստ տառապում էր և ստիպւած էր որոնելու նոր հողեր: Բայց անձ առաջ է գալիս գինեգործարանի կօօպերացիան, որը սկսում է ինքը գինի պատրաստել:

Որպէսզի գործի յաջողութիւնը ապահովւած լինի, կօօպերացիան իր անդամների բոլոր տնտեսութիւնները ենթարկեց որոշ միատեսակ պահանջների: Այսպէս, իւրաքանչիւր ալգու դիրքի համեմատ որոշոււ է հողը պարարտայնելու տեսակն ու ձևը. ամբողջ խաղողը պէտք է ժողովել կօօպերացիայի նշանակած օրերին և դնել նրա տրամադրութեան տակ. ապա գինին հմուտ ղեկավարների ձեռքով ենթարկւում է խմորման կօօպերացիայի սեփական մատաններում: Կօօպերացիայի մէջ մտնելու պայմանները դարձրած են դիւրին ու մատչելի ամեն մէկ չքաւորի համար: Վերջապէս, որպէսզի ազատեն վերջնական քայքայումից իրանց անդամներից ամենաչքաւորներին,

կօօպերացիան որոշում է գնել նրանց կալւածները և ապա կապալով տալ հէնց իրանց տէրերին, իրաւունք տալով պարբերական հատուցումներով ծածկել վճարը: Նրամանօրինակ կօօպերացիաներ, որոնք իրանց ձեռքն են առնում բոլոր անդամներին ղեկավարելը և ստորադրում են նրանց իրանց հրահանգներին ի շահ ընդհանուրի, արդէն քիչ չեն: Դրանց օրինակից կարելի է մասամբ աեսնել, թէ ապագայում ինչ կերպարանք կընդունի ամբողջ մարդկութեան անտեսութիւնը:

Մտնելով կօօպերացիայի մէջ, մարդ միկնոյն ժամանակ կապ է հաստատում ոչ միայն իր մօտակայ հարեանների այլ և իր ապրած ամբողջ պետութեան լայն խաւերի հետ: Բանը նրանումն է, որ մի քանի մանր կօօպերացիաներ իրանց համար շահաւէտ են համարում միանալ իրար հետ, որպէսզի հնարաւորութիւն ունենան մատուցանելու փոխադարձաբար ամեն տեսակ ծառայութիւն ու աջակցութիւն: Իսկ այս մանր միութիւնները կազմում են էլի աւելի խոշոր միութիւններ, որոնց մէջ մտնում են այդպիսով այս կամ այն պետութեան համարեա բոլոր ծայրերից կօօպերատիւ ընկերութիւնները: Այսպէս, օրինակ, Անգլիայում մի կօօպերատիւ միութեան մէջ կան մօտաւորապէս 1500 կօօպերատիւ ընկերութիւններ և մօտ 2 միլլիօն անդամ:

Ինքն ըստինքեան պարզ է, որ այդ տեսակ միութիւնները մեծ ազդեցութիւն ունեն պետութեան վրայ, որ հասարակութիւնը ականջ է դնում նրա ձայնին, որ օրէնսդրութիւնը հաշի է առնում նրա ցուցմունքները: Եւ, արդարև, կօօպերատիւ ընկերութիւնների ազդեցութիւնը՝ ապրանքների կեղծման կամ չափ ու կշռի, կամ գործարանական զբօշմներին վերաբերող օրէնքների վրայ՝ կարող է լինել շատ մեծ:

Նոյն կօօպերատիւ ընկերութիւնները մատուցանում

են աշխատաւոր մասսային էլի մի ուրիշ ծառայութիւն: Չէ որ սպառողական խանութների ու մագաղինների մեծ մասի անդամները իրանք բանւորներն են: Ինքն ըստ ինքեան հասկանալի է, որ իւրաքանչիւր մագաղին, իւրաքանչիւր խանութ ձգտում է առնելու աւելի լաւ ու էօան ապրանք, որպէսզի հնարաւորութիւն ունենայ ձեռք բերելու մեծ քանակութեամբ գնողներ, մատակարարելով նրանց լաւորակ ապրանք չափաւոր գներով: Բայց, թերևս առարկեն, որ եթէ սպառողական խանութները նշանակեն էօան գներ, չէ որ դա կազդի բանւորների գործարաններից ստացած աշխատավարձի վրայ, որքան էօան ծախի գործարանատէրը, այնքան էլ պակաս աշխատավարձ կը տայ բանւորներին: Դուրս է գալիս, ուրեմն, որ այն արդիւնքը, որ բանւոր ազգաբնակիւնները ստանում է սպառողական խանութներից, կարծես թէ, ինքը գողանում է իր սեփական զրպանից: Հետևաբար և այդպիսի սպառողական կօօպերացիայից ստացւած օգուտը կարծես թէ առեղծուածային է: Բայց բանւորները վաղուց արդէն ուշադրութիւն են դարձրել գործի այդ կողմի վրայ և դրա համար էլ նախ քան իրանց խանութների ապրանքների գների նշանակելը, մեծ խնամքով քննում են, թէ ինչ պայմաններում է պատրաստում այս կամ այն ապրանքը: Քիչ չէ պատահում, որ կօօպերատիւ խանութները որոշում են կայացնում չը գնել այս ինչ գործարանից կամ արհեստանոցից ապրանք, որովհետև այդտեղ չափազանց անարդար են վերաբերում դէպի բանւորները և կեղեքում են նրանց: Այստեղից պարզ է, որ կօօպերատիւ ձեռնարկների միջոցով բանւորները, որոնք նոյնպէս միութիւններ են կազմում, միայն աւելացնում են իրանց ոյժերը:

Բայց նրանք շատացնում են իրանց ոյժը ոչ միայն նրանով, որ կօօպերացիաներում ժողովրդական մասսանե-

ըրդ Գաստիրարակում են հասարակական լայն գործունէութեան համար, և որ բանւորական միութիւնները կարող են յենել կօօպերատօրների աջակցութեան վրայ, այլ և նրանով, որ գոնէ սպառողական կօօպերատիւ ընկերութիւնները խնայում են մեծ միջոցներ, որոնք առանց սպառողական ընկերութիւնների կրնկնէին վաճառականի կամ գործարանատիրոջ գրպանը: Այսպիսով աճում է հասարակական կապիտալը, որը բանւորական մասսաները կարող են գործադրել իրանց նպատակներին հասնելու համար: Այդ միջոցներից կազմւում են բանւորական դրամարկղներ, որտեղից նպաստ է տրւում գործազուլաւորներին. այդ միջոցներով հիմնում են դպրոցներ ու գրադարաններ և այլն,—մի խօսքով բարւոքւում է բանւոր Գաստակարգի կեանքը:

Չէ կարելի լռութեամբ անցնել և այն, որ լայնածաւալ կօօպերացիաներում, որոնք այժմ գոյութիւն ունեն Արեւմտեան Եւրօպայի շատ պետութիւնների մէջ, պատրաստւում են գործիչներ, որոնք սիրով գործ են դնում իրանց ժամանակն ու ընդունակութիւնները յօգուտ ժողովրդական մասսաների: Եւ զրանով առաւել ևս աճում է ժողովրդի ոյժը, որը ձգտում է դէպի լաւագոյն ապագան:

Սակայն, երբ մենք խօսում ենք կօօպերացիայի մասին, երբ մենք մասնանիշ ենք անում նրա անագին նշանակութեան վրայ ժողովրդի կեանքի մէջ, երբ մենք դարձնում ենք ընթերցողի ուշադրութիւնը այն բարիքների վրայ, որ նա տալիս է բանւոր մարդուն,—մենք չենք մոռանում որ ոչ բոլոր տնտեսական կօօպերացիաները հաւասար չափով շահաւէտ են աշխատաւորների համար: Ամենից առաջ անհրաժեշտ է զանազանել արտադրող կօօպերացիաները սպառողական կօօպերացիաներից: Սպառողական կօօպերացիաները, որոնց միջոցով կօօպերա-

ցիային մասնակցողները ձգտում են ազատել վաճառականի միջնորդութիւնից ու ձեռք բերել ապրանքները ըստ հնարաւորութեան անմիջական աղբիւրներից, ցոյց են տւել իրանց օգտակարութիւնը բոլոր պայմաններում. նրանք հաւասար չափով օգտակար են թէ քաղաքում և թէ գիւղում, եթէ միայն կեանքը, ինչպէս մենք ցոյց տւինք, զրւած է նորմալ պայմանների մէջ:

Այդպէս չեն արտադրող կօօպերացիաները. զրանք ամեն տեղ չեն լինում հաւասարապէս օգտաւէտ: Ընդհանուր առմամբ կարելի է ասել, որ զրանք մեծ յաջողութիւն ունեն գիւղում. այստեղ լաւ զարգանում են իւղագործական կօօպերացիաները, կօօպերատիւ ջրաղացները, կօօպերացիաներ, որոնք ձուից արհեստական միջոցով ձուտեր են հանում և նոյն իսկ ամբողջ կօօպերատիւ տնտեսութիւններ: Այսպէս ուրեմն արտադրող կօօպերացիաները գիւղում նւաճում են հետզհետէ աւելի ընդարձակ շրջաններ երկրագործական տնտեսութեան մէջ: Ուրիշ կերպ է քաղաքներում. այստեղ արտադրող կօօպերացիաները միշտ կաղում են: Այսպէս, օրինակ, հէնց նոյն Անգլիայում, ուր սպառողական ընկերութիւններն այնքան փառահեղ կերպով ծաղկել են, արտադրող կօօպերացիաները հազիւ հազ են քարշ տալիս իրանց գոյութիւնը: Ներկայումս զրանց թիւը հասնում է 865 ձեռնարկի 30,104 անդամով, մինչդեռ Անգլիայի բոլոր բանւորների թիւը հասնում է չորս միլիօն հոգու:

Այդ երևոյթի պատճառները պարզ են: Երկրագործական փոքրիկ տնտեսութիւնը կարող է գործի ձեռնարկել շատ չնչին զրամագլխով. մինչդեռ քաղաքում փոքր ի շատէ մեծ գործ սկսելու համար անհրաժեշտ է ունենալ խոշոր միջոցներ, իսկ որովհետև արդիւնաբերող կօօպերացիաների մեծ մասը բաղկացած է լինում չքաւորներից, ուստի հարկադրւած են լինում պարտք անել, վճարելով

յաճախ անագին տոկոս, և այդպիսով հէնց սկզբից գործը դրուում է աննպաստ պայմաններին մէջ: Նոյն անհրաժեշտութիւնը՝ դրամագլուխ ձեռք բերել կողմնակի մարդկանցից՝ այն հետևանքն է ունենում, որ գործի մէջ են մտնում նաև կապիտալիստները, որոնք իրանք չեն աշխատում: Ահա թէ ինչու այդպիսի արդիւնաբերող կօօպերացիաները յաճախ հրաւիրում են վարձու բանւորներ: Ֆրանսիայում, օրինակ, կայ ակնոցներ պատրաստող գործարանատէրերի ընկերութիւն, որին սկզբում կարող էին մասնակցել միայն նրանք, որոնք համաձայնում էին անձամբ աշխատել, իսկ այժմ նա ունի 1200 վարձու բանւոր: Ինքնըստինքեան հասկանալի է, որ դա արդէն կօօպերացիա չէ, այլ մի սովորական արդիւնաբերական ձեռնարկ իր բոլոր պակասութիւններով: Եւ, յիշաւի, այդ ընկերութեան մասին գրում են՝ «նա վարւում է բանւորների հետ աւելի անգթօրէն, քան որևէ մի այլ ընկերութիւն... ընկերութեան գիրեկտօրները ուրիշ նպատակ չունեն, բայց միայն՝ ամենազարբելի կերպով կեղեքել բանւորներին... վերջիններս նայում են նրանց և ընկերութեան բոլոր անդամների վրայ որպէս «խօզէյինների» վրայ և այն էլ վատ խօզէյինների, վերաբերւելով նրանց մեծ անվստահութեամբ»...

Բացի այդ, արտադրող գիւղատնտեսական կօօպերացիաներում աւելի դիւրին է ենթարկել մասնակցողներին որոշ կարգ-կանոնի, որովհետև իւրաքանչիւր պահանջ արդիւնք է բնական պայմանների, որոնք ըմբռնելի են ամեն մէկին: Այլ բան է արդիւնագործութեան մէջ, որտեղ ընդհանուր կարգապահութիւնը աւելի կախւած է անհատից, ուստի և աւելի շատ են լինում անբաւականութիւններ դեկավարների դէմ: Անկավարներին չը հնազանդելը, այսինքն՝ ընդհանուր գիսցիպլինի բացակայութիւնը յաճախ պատճառ է դառնում արդիւնագործական արտադրող

կօօպերացիաների քայքայման: Հետևաբար արդիւնաբերութեան ներկայ պայմաններում մենք չը պէտք է յոյս տածենք, որ արտադրող կօօպերացիան մեծ առաջադիմութիւն կանի գործարանական գործունէութեան ասպարէզում:

Ահա այն առաջին սահմանը, որ կեանքը դնում է տնտեսական կօօպերացիայի զարգացմանը: Բայց դա դեռ բոլորը չէ: Նոյն տնտեսական կօօպերացիաների փորձառութիւնից երևում է, որ այդպիսի աշխատակցութեան շատ քիչ են յարմարւած ինչպէս շատ հարուստները, այնպէս և ծայրայեղ չքաւորները, որոնք յաճախ վաղուց արդէն մոռացութեան են տւել ամեն մի տնտեսութիւն: Ուրեմն, չէ կարելի յուսալ, որ կօօպերացիայի միջոցով, այսինքն՝ յօժարակամ համաձայնութեան ճանապարհով, կարող են բաւարարութիւն ստանալ հասարակութեան բոլոր կարիքները: Իսկ չէ որ այդ կարիքների մէջ կան այնպիսիները, որոնք ստիպողական են, ուստի և անկարելի է յետաձգել նրանց բաւարարութիւն տալը. օրինակ, ապահովել քաղաքին ջուր մատակարարելը, լուսաւորութիւն տալը, կամ մաքրել փողոցների ու տների աղբը, որից առաջ են գալիս զանազան վարակիչ հիւանդութիւններ, կամ ուսումնարաններ ու գրադարաններ հիմնելը և այլն: Այս ամենը այնպիսի անյետաձգելի կարիքներ են, որ անհնարին է մատնել յօժարակամ համաձայնութիւնների պատահականութիւններին, այս ամենը պէտք է իրապօրծելի, եթէ հասարակութիւնը կամենում է ծաղկել ու զարգանալ,— ստիպողական կարգով, պետութեան ձեռքով: Ուրեմն, կայ մի շարք ձեռնարկներ, որոնք չեն կարող ենթակայ լինել կօօպերացիային, յօժարակամ համաձայնութեան: Կարելի էր առաջ բերել դեռ էլի մի քանի օրինակ, երբ կօօպերացիայի միջոցով չէ յաջողւում բաւարարութիւն տալ կեանքի բոլոր պահանջներին



սակայն վերևում բերածներն էլ բաւական են:

Եթէ հաշւի առնելու լինենք այն բոլոր դէպքերը, երբ կօօպերացիան զուրկ է ազդեցութիւնից, այնուամենայնիւ էլի մնում է նրա համար մեծ, կարելի է ասել, գործունէութեան անհուն ասպարէզ: Եւ արդարեւ, վերցնենք թէկուզ Անգլիայի սպառողական կօօպերացիաները, որոնցով այնքան պարծենում է այդ երկրի բանւոր ազգաբնակչութիւնը: Ներկայումս այդ կօօպերացիաները, որ զլիսաւորապէս գործում են բանւորների մէջ, ծախում են տարեկան 350 միլլիօն ուրբու ապրանք: Մինչդեռ Անգլիայում բանւորները ստանում են տարեկան 5 միլլիարդ ուրբու չափ աշխատավարձ: Այդ գումարից մօտ մի միլլիարդ ուրբի ծախում է բնակարանի վարձի, գազի, ջրի և տուրքերի վրայ, մօտ 700 միլլիօն ուրբի վատնում է խմիչքների վրայ, և որովհետեւ կօօպերատօրները չեն համաձայնում գինեվաճառութեամբ զբաղել, ուստի այդ փողն էլ կօօպերացիաների ձեռքը չի ընկնում: Մնում է, հետևաբար, մօտ 3½ միլլիարդ ուրբի, որ ծախսում է բանւոր դասակարգը սովորական կենցաղի անհրաժեշտ պիտոյքների համար, ասել է թէ, կօօպերատիւ առևտուրը նոյնիսկ Անգլիայում կարող էր դեռ մի 10 անգամ էլ մեծանալ: Որքան խոշոր օգուտներ, որչափ մեծ ոյժ է տալիս բանւոր դասակարգին նոյնիսկ Անգլիայում կօօպերատիւ շարժման այդպիսի հսկայական աճումը:

Իսկ չէ որ կօօպերացիան պատրաստում է մարդկութիւնը նոր կեանքի համար, ցոյց է տալիս կուլի նոր միջոցներ, դնում է նրա առաջ նոր նպատակներ: Եւ եթէ այժմ արդէն զգացւում է կօօպերացիայի բարերար ազդեցութիւնը մարդկութեան կեանքի վրայ, ապա որքան խոշոր պիտի լինի նրա ազդեցութիւնը ապագայում, երբ նա լայն ծաւալ կը ստանայ, երբ նա ճանապարհ բաց կանի ամեն տեղ, ուր միայն հնարաւոր է:

Երբ լրջօրէն մտածում ես կօօպերացիայի ապագայի մասին, ահամայ յիշում ես Չօն Բրայտի ազնիւ խօսքերը:

Նա ասել է՝ «ես հաւատում եմ, որ ազիտութիւնն ու տանջանքները կարող են պակասել ու հասնել ամենաչնչին չափերի. որ երևան կը գան շատ բարեբեր անկիւններ, ծաղկած ու հարուստ պտուղներով այն ընդարձակ անապատում, որ ձգւած է մեր առջև»:





ան-
գր.

Արմ.
3-27/92

Լ Ո Ղ Ս Ե Ն Տ Ե Ա Ե Լ

1. Բախ.—Հարուստներ և աղքատներ II տպագ. 15 կող.
2. Պեշէխօտով.—Հաց, լոյս և ազատութիւն . 12 »
3. Փէղորօվիչ.—Ինչպէս են ժողովուրդ և ծախու-
ուր ժողովրդական փողերը 5 »
4. Կարմելիկ.—Նոր լեռան բարոզը 2 »
5. Չերնօվ.—Գիւղացին և բանուորը 15 »
6. Պերներստորֆեր.—Աղգային հարցը և սօցիալ-
դեմօկրատիան 5 »
7. Պրամպօլինի.—Գիւղացիներին 5 »
8. Ն. Թոփչեան.—Արհեստակց. միութիւններ 15 »
9. Նովօտօրժսկի.—Ի՞նչ է իրականական պետութ. 15 »
10. Ն. Կաբանով.—Հողային հարցը նոր Զե-
լանդիայում 2 »
11. Ժան Ժօրէս.—Բուրժուական սեփականութիւն
և նրա ապագայ զրուումը 5 »
12. Ա. Աբեղեան.—Գեմօկրատ. ընտրութիւններ 12 »
13. Կարլ Կատտսկի.— Ազգութիւնների հարցը
Ռուսաստանում: 3 »
14. Ա. Անարոնեան (Ղարիբ).—Ազատութեան ճա-
նապարհին: 80 »
15. Փ. Լատալ.—Սահմանադրութեան էութեան
մասին: 5 »
16. Ա. Մ.—Ինչպէս կարելի է լուծել հող. հարցը 12
- 17 Վասիլիյ Գօլուբով—Ինչ է ժողովրդագետութիւ-
նը. 2 »
- 18 Ս. Զատարեան.—Վիճակագ. տեղ. գիւղ. աղգար.
25 »
19. Ալֆրոնս Դիւնան.—Ժողովրդական օրէնագրութիւնը
Իսպանի. Զւիցերիանում 20 »
20. Դիկշալյն.—Ով ինչով է տպւում 7 «
21. Ս. Լ.—Մի գրոյց հողի մասին 5 »
22. Լ. Շիշկօ—Ազրայարին ծրագրի հարցը և գիտական
սօցիալիզմի տեսութիւնը: 7 »
23. Ա. Նիկօլսով.—Կօօպերացիա. 15 »

Տպագրուած են եւ շուտով լոյս կտեսնեն

1. Վշօսէկ.—Պետական կազմութեան հիմքերը
արեւմուտքում:
 2. Նովոտօրժօվի—Աղգային հարց. Աֆոօնօմիա և
Ֆեդերացիա:
- Պատրաստուած են տպագրութեան համար մի շարք ուրիշ
գրքեր: